

786 92

ABDE MUSTAFA MUHAMMAD SABIR QADRI

> SAB I YA VIRTUAL PUBLICATION





Contents

Nashir Ki Taraf Se Kuchh Aham Baatein	3
Muqaddama	6
786/92 Likhne Ki Wajah Kiya Hai?	8
Pehla Hawala	9
Waqarul Fatawa	9
A'adaad Likhne Ka Hukm	9
A'adaad Ko Be Wuzu Likhna	9
Napaaki Ki Halat Mein	10
Durood Ke A'adaad Likhna	10
Dusra Hawala	12
Fatawa Faqihe Millat	12
Teesra Hawala	14
Fatawa Bahrul Uloom	14
Chautha Hawala	30
Tafheemul Masail	30
Ek Shiddat Pasand Mufti Ka Jawab:	31
Professor Mufti Munibur Rahman Ka Jawab	:33
Panchwa Hawala	43
Fatawa Faqeehe Millat	43
Hare Krishna Ke A'adaad	43
Chhata Hawala	49
Fatawa Bahrul Uloom	49

786/92

Taweezat Mein A'adaad	49
Saatwa Hawala	51
Fatawa Europe Wa Bartaniya	51
Abjad Naqsha	51
Aathwa Hawala	52
Fatawa Bahrul Uloom	52
Nauwan Hawala	59
Fatawa Markaze Tarbiyat Ifta	59
Hare Krishna Ka Adad	59
Daswan Hawala	63
Fatawa Bahrul Uloom	63
Gyarahwa Hawala	64
Tanveerul Fatawa	64
Barahwa Hawala	66
Ek Deobandi Mufti Ka Fatwa	66
Terahwa Hawala	67
Deobandi Mufti Ka Dusra Fatwa	67
Chaudhavaan Hawala	69
Daarul Ifta Devaband Ka Fatwa	69
Khulasa	70

Nashir Ki Taraf Se Kuchh Aham Baatein

Mukhtalaf Mamalik Se Kai Likhne Waale Humein Apna Sarmaya Irsaal Farma Rahe Hain Jinhein Hum Shaya Kar Rahe Hain, Hum Ye Batana Zaroori Samajhte Hain Ke Humari Shaya Karda Kitabo Ke Mundarijaat (Contents) Ki Zimmedari Hum Is Hadd Tak Lete Hain Ke Ye Sab Ahle Sunnat Wa Jama'at Se Hai Aur Ye Zaahir Bhi Hai Ke Har Likhari Ka Talluq Ahle Sunnat Se Hai. Dusri Janib Akabireene Ahle Sunnat Ki Jo Kitabein Shaya Ki Ja Rahi Hain To Un Ke Mutalliq Kuchh Kehne Ki Haajat Hi Nahin Phir Baat Aati Hai Lafzi Aur Imlai Ghalatiyo Ki To Jo Kitabein "Team Abde Mustafa Official" Ki Peshkash Hoti Hain Unke Liye Hum Zimmedar Hain Aur Wo Kitabein Jo Mukhtalaf Zaraaye Se Humein Mausool Hoti Hain, Un Mein Is Tarah Ki Ghalatiyo Ke Hawale Se Hum Bari Hain Ke Wahan Hum Har Har Lafz Ki Chhan Phatak Nahin Karte Aur Humara Kirdaar Bas Ek Nashir Ka Hota Hai

Ye Bhi Mumkin Hai Ke Kai Kitabo Mein Aisi Baatein Bhi Ho'n Ke Jin Se Hum Ittefaq Nahin Rakhte, Misaal Ke Taur Par Kisi Kitab Mein Koi Aisi Riwayat Bhi Ho Sakti Hai Ke Tehqeeq Se Jis Ka Jhoota Hona Ab Saabit Ho Chuka Hai Lekin Use Likhne Waale Ne Adame Tawajjo Ki Bina Par Naqal Kar Diya Ya Kisi Aur Wajah Se Wo Kitab Mein Aa Gai Jaisa Ke Ahle Ilm Par Makhfi Nahin Ke Kai Wujoohaat Ki Bina Par Aisa Hota Hai, To Jaisa Humne Arz Kiya Ke Agarche Use Hum Shaya Karte Hain Lekin Isse Ye Na Samjha Jaaye Ke Hum Usse Ittefaq Bhi Karte Hain

Ek Misaal Aur Hum Ahle Sunnat Ke Mabain Ikhtelafi Masail Ki Pesh Karna Chahte Hain Ke Kai Masail Aise Hain Jin Mein Ulama -e- Ahle Sunnat Ka Ikhtelaf Hai Aur Kisi Ek Amal Ko Koi Haraam Kehta Hai To Dusra Uske Jawaz Ka Qaail Hai, Aise Mein Jab Hum Ek Nashir Ka Kirdaar Ada Kar Rahe Hain To Dono Ki Kitabo Ko Shaya Karna Humara Kaam Hai Lekin Humara Mauqif Kya Hai, Ye Ek Alag Baat Hai, Hum Fareeqain Ki Kitabo Ko Is Bunyad Par Shaya Kar Sakte Hain Ke Dono Ahle Sunnat Se Hain Aur Ye Ikhtelafaat Furooi Hain, Isi Tarah Humne Lafzi Aur Imlai Ghalatiyo Ka Zikr Kiya Tha Jis Mein Thodi Tafseel Ye Bhi Mulahiza

Farmayein Ke Kai Alfaaz Aise Hain Ke Jin Ke Talaffuz Aur Imla Mein Ikhtelaf Paaya Jaata Hai, Ab Yahan Bhi Kuchh Aisi Hi Soorat Banegi Ke Hum Agarche Kisi Ek Tariqe Ki Sihhat Ke Qaail Ho'n Lekin Uske Khilaf Bhi Humari Isha'at Mein Maujood Hoga, Is Farq Ko Bayaan Karna Zaroori Tha Taaki Qarayeen Mein Se Kisi Ko Shubha Na Rahe

Team Abde Mustafa Official Ki Ilmi, Tehqeeqi Aur Islahi Kitabein Aur Risale Kai Marahil Se Guzarne Ke Baad Shaya Hote Hain Lekin Iske Bawajood In Mein Bhi Aisi Ghalatiyo Ka Paaya Jaana Mumkin Hai Lihaza Agar Aap Unhein Paayein To Humein Zaroor Batayein Taaki Uski Tashih Ki Ja Sake

Sabiya Virtual Publication Powered Abde Mustafa Official

Muqaddama

Is Mauzu Par Likhne Ki Zaroorat Kyun Pesh Aayi, Pehle Ye Bayan Kar Dete Hain, Hum Sab Dekhte Hain Ke Mukhtalif Qism Ke Khutoot Ke Upar 786 Aur 92 Likha Hota Hai Jisse Bismillah صَلِّى اللهُ تَعَالَى عَلَيْهِ وَالِهِ "Muhammad" صَلِّى اللهُ تَعَالَى عَلَيْهِ وَالِهِ Muraad Liya Jata Hai, Ye Tareeqa Bilkul وَسُلَّمَ Durust Hai Aur Buzurgon Se Saabit Bhi Hai Lekin Ek Firqa Jise Hum "Wahabi" Ke Naam Se Jante Pahchante Hain Aur Ye Bhi Jante Hain Ke Kisi Bhi Kaam Ko Shirk O Bid'at Kehne Mein Ise Zara Bhi Der Nahin Lagti, Ye Log Is Tarah 786 Aur 92 Likhne Ko Ghalat Qaraar Dete Hain Aur Daleel Ye Pesh Karte Hain Ke Chunke Rasoolullah صَلَّى اللهُ تَعَالَى عَلَيْهِ وَالِهِ وَسَلَّمَ Aur Sahaba Ke Zamane Mein Aisa Nahin Hua Lihaza Is Tarah Karna Ghalat Hai, Wahabiyon Ne Ye Tak Eteraaz Kiva Hai Ke 786 Jo Adad Hai Wo Bismillah Sharif Ka Nahin Balke "Hare Krishna" Ka Hai!

Hum Is Par Tafseel Se Likhenge Taaki Ye Mas'ala Bilkul Wazeh Ho Jaye, Ghairon Ki Taraf Se Kiye Gaye Aise Eterazat Ki Wajah Se Awaame Ahle Sunnat Pareshani Mein Mubtala Hoti Hai, Zaroori Tha Ke Is Par Mustaqil Risala Tayyar Kiya Jaye, Allah Ta'ala Ki Taufeeq Se Humein Ye Mauga Inayat Hua, Hum Ne Koshish Ki Hai Ke Ise Mukhtasar Aur Jaame Banaya Jaye Kyunki Kalaam Ka Zyada Taweel Hona Ek Aiyb Hai, Hum Ye Bhi Tasleem Karte Hain Ke Agarche Hum Ne Apni Taraf Se Koshishein Ki Lekin Bahut Kamiyan Is Mein Maujood Hongi Jo Yaqeenan Humari Kam Ilmi Aur Aur Kotahi Ka Suboot Hai, Aap Jab Inhein Payein To Humari Ma'zarat Ko Yaad Farmayein, Mumkin Ho To Humein Ittila Bhi Farmayein Taaki Hum Aayinda Se Iska Khayaal Rakhein, Abhi Ye Risala Pesh Kiya Jata Hai, Ummeed Karte Hain Ke Ye Awaame Ahle Sunnat Ke Live Mufeed Sabit Hoga, Allah Ta'ala Ise Qabool Farmaye, Aameen

Abde Mustafa

Muhammad Sabir Qadri 17 November 2022 Iswi (Shadi Ki Pehli Saalgirah)

786/92 Likhne Ki Wajah Kiya Hai?

Agar Poori Bismillah Sharif Ya Naame Muhammad مَلَّى اللهُ تَعَالَى عَلَيْدِوَ الِهِ وَسَلَّمَ Ko Likh Diya Jaye To Imkaan Ziyada Hai Ke Iski Be Adabi Hogi Kyunki Khutoot Wagaira Ko Har Koi Sambhaal Kar Nahin Rakhta, Shadiyon Ke Card Hon Ya Dusre Dawati Paighamaat, Maqsad Poora Hone Ke Baad Inhein Koode Ki Nazr Kar Diya Jata Hai, Ab Aise Khutoot Wagaira Aise Muqaddas Aur Mutabarrak Kalimaat Ko Likhna Kisi Tarah Munasib Maloom Nahin Hota Aur Yahi Wajah Hai Ke Iski Jagah "Abjad" Ke Hisaab Se Is Kalime Ya Kayi Kalimaat Ke A'adaad Ko Likh Diya Jata Hai, Isse Hota Ye Hai Ke Be Adabi Ka Jo Imkaan Hai Wo Jata Rahta Hai Aur Dusra Ye Ke Kalimaat Ki Barakaat Bhi Hasil Ho Jati Hai, Aur Ye Koi Aisi Baat Nahin Jise Hum Ne Gadha Ho Balke Is Ka Suboot Maujood Hai, Iski Asal Ka Zikr Milta Hai Jise Hum Tafseel Se Bayaan Karenge, In Sha Allah

Pehla Hawala Waqarul Fatawa

A'adaad Likhne Ka Hukm

Sawal: Waqare Millat, Hazrat Allama Mufti Waqaruddin Qadri Rahimahullah Se Sawal Kiya Gaya:

Kiya Farmate Hain Ulama E Deen Wa Muftiyane Shara'e Mateen Is Silsile Ke Baare Mein Ke Bismillah Sharif Ke A'adaad Umooman Log Khutoot Aur Dusri Kutub Waghaira Mein Barakat Hasil Karne Ke Liye Likhte Hain (Bismillahir Rahmanir Raheem Ke 786, Isi Tarah Isme Muhammad مَنْ اللهُ تَعَالَى عَلَيْهِ وَاللهِ Ke 92 Adad Likhte Hain) Barahe Karam Aap Humein Ye Batlaiye Ke Ism Sharif Waghaira Ke Adad Likhne Jaaez Hain Ya Nahin?

Dusra Sawal:

A'adaad Ko Be Wuzu Likhna

Dusra Sawal Ye Kiya Gaya Ke Agar Qurani Ayaat Ke A'adaad Likhne Hon To Be Wuzu Adad Likh Sakte Hain Ya Nahin?

Tisra Sawal:

Napaaki Ki Halat Mein

Tisra Sawal Ye Kiya Gaya Ke Bismillahir Rahmanir Raheem (Harf Ba Harf) Napaaki Ki Halat Mein Likhna Kaisa Hai?

Chautha Sawal:

Durood Ke A'adaad Likhna

Chautha Sawal Ye Kiya Gaya Ke Ba Waqte Zaroorat Isme Muhammad صَلَّى اللهُ تَعَالَى عَلَيْهِ وَالِهِ وَسَلَّمَ Ke 92 Adad Likhe Jayein To"صَلَّى اللهُ تَعَالَى عَلَيْهِ وَالِهِ وَسَلَّمَ " Ke Adad Bhi Likhne Zaroori Hai Ya Nahin?

Al Jawab:

Ahadees Mein Farmaya Ke Jo Kaam Bismillahir Rahmanir Raheem Aur Alhamdulillah Se Shuru Na Kiya Jaye, Wo Na Mukammal Rahta Hai Aur Khairo Barakat Se Khali Hota Hai, Is Hadees Par Amal Karne Ke Liye Har Jayez Kaam Ko Bismillah Aur Alhamdulillah Padh Kar Shuru Karna Chahiye, Inka Likhna Zaroori Nahin Hai Lekin Likhna Bhi Baaise Barakat Hai, Kyunki Aam Taur Par Kaaghzaat Ko Ehtiyaat Se Nahin Rakha Jata To

Is Par Bismillahir Rahmanir Raheem (Tahreer) Hone Ki Surat Mein Iski Be Adabi Hai, Is Liye Logon Ne A'adaad Likhna Shuru Kar Diye Lekin Adad Ka Wo Hukm Nahin Jo Huruf Ka Hai Lihaza A'adaad Ko Be Wuzu Likhna Aur Chhoona Jayez Hai, "Bismillahir Rahmanir Raheem" Quran Ki Aayat Hai, Lihaza Ise Be Wuzu Likhna Aur Chhoona Jayez Nahin Hai,

(Waqarul Fatawa, Allama Mufti Waqaruddin Rahimahullahu Ta'ala, Jild 3, Safa 442 Aur 443, Nashir: Bazme Waqaruddin, Taba 1421 Hijri/2000 Iswi)

Dusra Hawala Fatawa Faqihe Millat

Fatawa Faqihe Millat Mein Ek Sawal Kuch Yun Hai:

Humare Yahan Yaani Maslake Aala Hazrat Ke Pairokaar Jab Kuch Likhte Hain To Pehle 786 Fir 92 Ya 917 Likhte Hain Jabke 786 Bismillahir Rahmanir Raheem Ka Adad Hai Aur 92 Muhammad Ka 917 Muhammad مَلَى اللهُ وَالِهِ وَسَلَّمَ لَا لَهُ وَالِهِ وَسَلَّمَ لَمُ اللهُ ثَعَالَى عَلَيْهِ وَالِهِ وَسَلَّمَ لَمُ اللهُ تَعَالَى عَلَيْهِ وَالِهِ وَسَلَّمَ لَمُ لَا اللهُ تَعَالَى عَلَيْهِ وَالِهِ وَسَلَّمَ لَمُ لللهُ تَعَالَى عَلَيْهِ وَالِهِ وَسَلَّمَ لَمُ اللهُ تَعَالَى عَلَيْهِ وَالِهِ وَسَلَّمَ لَمُ لللهُ لَعَالَى عَلَيْهِ وَالِهِ وَسَلَّمَ لَمُ لللهُ تَعَالَى عَلَيْهِ وَالِهِ وَسَلَّمَ لَمُ لللهُ تَعَالَى عَلَيْهِ وَالِهِ وَسَلَّمَ لَمُ لَلهُ لَعَالَى عَلَيْهِ وَالْهِ وَسَلَّمَ لَمُ لَاللهُ لَعَالَى عَلَيْهِ وَالِهِ وَسَلَّمَ لَا لهُ وَسَلَّمَ لَاللهُ وَسَلَّمَ لللهُ لَعَالَى عَلَيْهِ وَالِهِ وَسَلَّمَ لَمُ لهُ وَسَلَّمَ لَا لهُ وَسَلَّمَ لَا لهُ وَسَلَّمَ لَهُ وَاللهُ وَسَلَّمَ وَالْهِ وَسَلَّمَ لَا لهُ وَسَلَّمَ لَا لهُ وَسَلَّمَ وَالْهِ وَسَلَّمَ لَهُ وَسَلَّمَ لَا لَهُ عَلَيْهِ وَالْهِ وَسَلَّمَ لَا لَهُ وَسَلَّمَ لَا لَهُ وَالْهِ وَسَلَّمَ لَا لَهُ وَسَلَّمَ لَا لَهُ عَلَيْهِ وَالْهِ وَسَلَّمَ لَمُ لَا لَهُ عَلَيْهِ وَالْهِ وَسَلَّمَ لَا لَهُ عَلَيْهِ وَالْهِ وَسَلَّمَ لَهُ لَا لَهُ عَلَيْهِ وَالْهِ وَسَلَّمَ لَمُ لَا لَهُ عَلَيْهِ وَالْهِ وَسَلَّمَ لَا لَهُ عَلَيْهِ وَالْهِ وَسَلَّمَ لَا لَهُ عَلَيْهِ وَالْهِ وَسَلَّمُ لَا لَهُ عَلَيْهِ وَالْهِ وَسَلَّمَ لَهُ عَلَيْهِ وَالْهِ وَسَلَّمَ لَمُ لَا لَهُ عَلَيْهِ وَالْهِ وَسَلَّمَ لَا لَمُ عَلَيْهِ وَالْهِ وَلَهُ وَلَهُ وَلَهُ وَلَهُ وَلَا لَمُ عَلَيْهُ وَلَا لَهُ عَلَيْهِ وَلَهُ وَلَهُ وَلَمُ لَا عَلَيْهِ وَلَالْهُ وَلَا لَهُ عَلَيْهِ وَلَا لَمُ عَلَيْهِ وَلَهُ وَلَا لَهُ ع

Lihaza Huzure Wala Se Guzarish Hai Ke Iski Ibteda Kab Se Hai? Aur Likhna Kaisa Hai? Ma'a Hawala E Kutub Jawab Se Muttala Farma Kar Shukriya Ka Mauqa Inayat Farmayein

Al Jawab:

(2) Aslaafe Kiraam Aur Buzurgane Deen Ka Ye Tareeqa Raha Hai Ke Wo Jab Bhi Kuchh Likhte Ya Kitab Waghaira Tasneef Karte To Tabarrukan Use Allah Wa Rasool Ke Name Se Shuru Karte, Allah Ta'ala Ki Hamd Bayan Karte Aur Huzoor مَلَّى اللهُ تَعَالَىٰ عَلَيْهِ وَالِهِ وَسَلَّمَ Par Durood Salam Bhejte Magar Baad Mein Be Adabi Se Bachane Ke Liye Jis Tareeqe Se Khat Waghaira Ki Ibteda Mein Bismillahir Rahmanir Raheem Ke Bajaye Inke Adaad 786 Ke Likhne Ka Riwaaj Tabarrukan Hua Isi Tarah 92 Aur 917 Ke Likhne Ki Bhi Ibteda Hui, Fir Jis Jagah Be Adabi Ka Andesha Nahin Wahan Bhi Log Likhne Lage, Aur Jo Cheez Tabarrukan Likhi Jati Hai Wo Zaroori Nahin Hoti,

Lihaza Bismillahir Rahmanir Raheem Ka Adad 786 Likhne Ke Baad 92 Ya 917 Likhna Zaroori Nahin Sirf Jayez O Mustahsan Hai, Isi Tarah Tilawate Quran Ke Waqt Durood Sharif Padhna Behtar Hai Lazim Nahin, Aur Jab Tasmiyah Ke Adad 786 Ke Baad 92 Ya 917 Likhna Zaroori Nahin To Isse Namaz Ke Andar Ta'awwuz O Tasmiyah Ke Baad Muhammad منل المنافقة المن

"من حسى اسلام المرأان يتركما لا يعينه"الا

Wallahu Ta'ala Aa'lam

Al Jawabo Sahih: Jalaluddin Ahmad Amjadi

Katabahu: Muhammad Abrar Ahmad Amjadi Barkati

(Dekhein: Fatawa Faqihe Millat Maaroof Bih Fatawa Markaz Tarbiyate Ifta, Jild1, Safa328 Aur 329,baab Sadqatul Fitr, Taba'at Sabbir Brothers Lahaur, 2005)

Teesra Hawala Fatawa Bahrul Uloom

Fatawa Bahrul Uloom Mein Ek Sawal Kuch Yun Hai:

Kya Farmate Hain Ulama E Deen Wa Muftiyane Shara'e Mateen Mas'ala Zel Ke Baare Mein Ke Zaid Aur Bakar Mein Guftagu Ho Rahi Thi, Zaid Ne Kaha Ke 786/92 Likhna Durust Hai Bakar Ne Kaha Ke Ghalat Hai,

Quran O Hadees Mein Kahin Likha Hua Nahin Hai Agar Kahin Se Sabit Ho To Pesh Karo, Lihaza Hazrat Se Guzarish Hai Ke Zaid Aur Bakar Mein Se Kis Ka Qaul Sahih Hai Ma'a Hawala E Kutub Jawab Irsaal Farmayein, Ain Nawazish Hogi

Al Jawah

Sawal Mein Chand Baatein Qabile Ghaur

Hain:

(Alif) Allah Paak Jalla Jalaluhu Aur Uske Habeeb مَلَّى اللهُ تَعَالَى عَلَيْهِ وَالِهِ وَسَلَّمَ Ke Asmaa E Mubaraka Se Tabarruk Jayez Hai Ya Nahin?

(**Ba**) Agar Jayez Hai To Kiya Arabi Rasmul Khat Ke Sath Hi Khaas Hai Ya Dusre Rasmul Khat Me Bhi Ise Tahreer Kiya Ja Sakta Hai,

(**Jim**) Jis Tarah Kisi Amr Ke Jawaaz Ke Pahlu Ke Liye Dalil Ki Zaroorat Hoti Hai Isi Tarah Iski Mumana'at Ke Liye Bhi Dalile Sharai Darkaar Hai, Balke Mumana'at Ki Dalil Ka Mansoos Hona Zaroori Hai Kyunki Shara Se Kisi Amr Ka Mamnoo Na Hona Hi Dalile Jawaaz Hai, Quran E Azeem Mein Hai:

> ولا تقولوا لما تصف السنتكم الكنب هذا حرام لتفتروا على الله الكنب

Aur Na Kaho Use Jo Tumhari Zubane Jhoot Bayan Karti Hai Ye Halal Hai Aur Ye Haram Ke Allah Ta'ala Par Jhoot Bandho (An Nahal:116)

Hadees Shareef Mein Hai:

ان الله فرض فرائض فلا تضيعوها و حرم حرمات فلا

تنتهكوها وحداحدوداً فلا تعتلوها وسكت عن اشياء من

غيرنسيان فلاتبحثواعنها

(Mishkat, Kitabul Imaan, 55/1)

Allaah Ta'ala Ne Kuch Farayiz Muqarrar Kiye To Use Zaaya Na Kar Aur Kuch Cheezo Ko Haram Qaraar Diya To Us Ke Qareeb Na Jaao, Aur Kuch Hadein Mutayyan Farmayi To Usse Aage Na Badho Aur Be Bhool Chook Kuch Cheezo Ka Tazkira Na Kiya To Us Ki Kured Na Karo,

Is Aakhir Jumle Ki Sharah Mein Hanafi Aalim Hazrat Mulla Ali Qaari Rahmatullahi Alaih Farmate Hain:

دل على ان الاصل في الاشياء اباحة

Is Jumle Se Ye Pata Chala Ke Qur'ano Hadees Mein Jis Ko Na Halaal Kiya Gaya Ho Na Haram Qaraar Diya Gaya Ho Wo Mubaah Hai, Is Ki Tayeed Allaah Ta'ala Ke Is Qaul Se Hoti Hai:

هُوَ الَّذِي يَ خَلَقَ لَكُمْ مَّا فِي الْأَرْضِ بَمِيعًا أَ

Zameen Mein Jo Hai Tumhare Faayde Ke Liye Hai (Al Baqara:29) (Mirqaat, Jild Awwal, Page 216)

Aur Ghair Muqallid Maulwi Ubaidullah Rahmani Likhte Hain :

وسكتعن اشياء اى ترك ذكر اشياء اى حكمها من الحرمة والحل والوجوب وهو محمول على ما انتفى فيه دلالة النص على الحكم بجميع وجوهها المعتبرة فتستدل حينئذ بعدم ذكره بأيجاب او تحريم او تحليل على انه معفولا حرج على فأعله ولا على تاركه-

Kuch Cheezo Ka Tazkira Na Kiya Yaani Na Ye Bataya Ke Ye Wajib Hai Na Ye Ke Haraam Hai Na Ye Ke Halaal Hai, Matlab Ye Hai Ke Ahkame Nusoos Se Jin Jin Tareeqo Se Saabit Hote Hain Un Mein Se Is Ke Baare Mein Kisi Hukm Ka Pata Nahi Chalta To Ye Is Baat Ki Daleel Hai Ke Muaaf Hai Na Us Ke Karne Waale Se Baaz Paras, Na, Na Karne Waale Se,

Mazkoora Baala Aayaat Wa Ahadees Se Ye Maloom Hua Ke Kisi Cheez Ke Baare Mein Koi Hukm Qur'an Wa Hadees Mein Na Hona Us Ke Haram Aur Mana Hone Ki Daleel Nahi, Jaisa Ke Bakar Be Khabar Ka Qaul Hai Balki Ye Is Baat Ki Daleel Hai Ke Us Ko Kar Sakte Hain Shara'a Se Is Ki Koi Mumaaniat Nahi, Aur Bakar Ne Is Ko Ghalat Kaha To Qur'an Wa Hadees Se Is Ka Suboot Pesh Kare Ke Kaha Qur'an Wa Hadees Mein Is Ki Mumaanat Aayi Hai,

Ab Hum Is Baat Ki Daleel Pesh Karte Hain Ke Allaah Jalla Jalaaluhu Aur Rasoolallah عَنَّالُهُ وَالِهِ وَسَلَّمَ لَا لَهُ وَاللّهِ وَسَلَّمَ لَا لَهُ وَاللّهِ وَسَلَّمَ لَا لَهُ وَاللّهِ وَسَلّمَ لَا لَهُ وَاللّهِ وَسَلّمَ لَا لَهُ وَاللّهِ وَسَلّمَ لَاللّهُ لَا اللّهُ وَاللّهِ وَسَلّمَ لَا عَلَيْهِ وَاللّهِ وَسَلّمَ لَا لَا اللّهُ وَاللّهُ وَسَلّمَ لَا اللّهُ وَاللّهُ وَسَلّمَ لَا لَا اللّهُ وَاللّهُ وَسَلّمَ لَا اللّهُ وَاللّهُ وَاللّهُ وَسَلّمَ لَا لَا اللّهُ وَاللّهُ وَسَلّمَ لَا اللّهُ وَاللّهُ وَسَلّمَ لَا اللّهُ وَاللّهُ وَاللّهُ وَاللّهُ وَسَلّمَ لَا اللّهُ وَاللّهُ وَاللّهُ وَاللّهُ وَاللّهُ وَاللّهُ وَاللّهُ وَاللّهُ وَسَلّمَ لَا اللّهُ وَاللّهُ وَلّهُ وَاللّهُ وَاللّهُ وَاللّهُ وَاللّهُ وَلَا اللّهُ وَلّهُ وَاللّهُ وَاللّهُ وَاللّهُ وَلّهُ وَلّهُ وَاللّهُ وَلّهُ وَلّهُ

(a) Bismillah Shareef Se Jumla Aham Umoor Shuru Karne Ki Takeed Hadees Shareef Mein Hai Jis Ko Haafiz Abdul Abdul Qadir Ne Apni Arbayeen Mein Aur Abu Dawood Wa Nisayi Wa Ibne Maaja Ne Apni Marwiyaat Mein Aur Ibne Hibban Aur Abu Uwana Ne Apni Sihaah Mein Mukhtalif Alfaz Se Riwaayat Kiya Aur Ibne Hibban Aur Abu Uwana Ne Aur Ibne Sulaah Ne Tahseeno Tasaheeh Farmayi

"كل امر ذى بأل لمريب دا فيه بن كر الله و بسم الله الرحمن

الرحيم فهو اقطع"

(Ayini, Jild Awwal, Page 11)

Jo Aham Kaam Allaah Ke Zikr Aur مسمالله الرحمن الرحيم Se Na Shuru Kiya Gaya Wo Naaqis Hai,

Isi Mein Page 12 Par Hai:

"وروى الشافعي ايضا انها ليست من اوائل السورة غير

الفاتحة انما يستفتح السورجها تبركا"
Imaam Shafayi Farmate Hain Ke
بسم Shareef Soorah Fatiha Ke
Alawa Kisi Soorat Ka Juz Nahi Har
Soorat Ke Shuru Mein Tabarruk Ke
Liye Likha Jaata Hai

(b) Huzoor مَلَّى اللهُ تَعَالَى عَلَيْهِ وَالِهِ وَسَلَّمَ Ka Naame Naami Allaah Ta'ala Ke Mubarak Naam Ke Saath Zikr Karna Aayate Qur'ani Se Saabit Hai, Ayini Hawala Mazkoora Baala Mein Hai:

"لان ذكر لا صَلَّى اللهُ تَعَالى عَلَيْهِ وَالِهِ وَسَلَّمَ مقرون بذكر لا تعالى ولقد قالوا فى قوله تعالى ورفعنا لك ذكرك معنالا ذكرت حيثاذ كرت"

Huzoor صَلَّى اللهُ تَعَالَى عَلَيْهِ وَالِهِ وَسَلَّمَ Ka Zikr Allaah

Tabarak Ke Zikr Se Mila Hua Hai, ¹

1 Aap Ka Zikr Hai Khaas Zikre Khuda

Nabiye Kareem, Noor -e- Mujassam, Sarkar -e- Madina مَلَ اللهُ تَعَالَى عَلَيْهِ وَالِهِ وَسَلَّمَ Ka Zikr Karna, Khuda Ka Zikr Karna Hai

Allah Ta'ala Ne Aap مَثَّ اللهُ تَعَالى عَلَيْهِ وَالِهِ وَسَلَّمُ Ke Zikr Ko Buland Kiya Hai Aur Apna Zikr Qarar Diya Hai

Hadees -e- Oudsi Hai, Allah Ta'ala Farmata Hai:

Maine Iman Ka Mukammal Hona Is Baat Par Maugoof Kar Diya Hai Ke (Aye Mehboob) Mere Zikr Ke Saath Tumhara Zikr Bhi Ho Aur Maine Tumhare Zikr Ko Apna Zikr Thehra Diya Hai Pas Jis Ne Tumhara Zikr Kiya Us Ne Mera Zikr Kiya (الشفاء للقاضي عماض المالكي)

مَا لِلْهُ عَال Quraan -e- Kareem Mein Allah Ta'ala Ke Zikr Ke Saath Zikre Rasool Ke Jalwe Kayi Jagah Nazar Aate Hain, Chunanche Irshad -e- Baari عَلَيْوَوَالِهِ وَسُلَّمَ Hai:

- (1) To Ailan -e- Jung Sun Lo Allah Aur Us Ke Rasool Ki Taraf Se (279:البقرة)
- (2) Aur Jo Hukm Maane Allah Aur Us Ke Rasool Ka (13:النياء)
- (3) Aur Jo Allah Aur Us Ke Rasool Ki Nafarmani Kare (14:النياء)
- (4) Hukm Maano Allah Ka Aur Hukm Maano Rasool Ka (59:النباء)
- (5) To Use Allah Aur Us Ke Rasool Ke Huzoor Ruju Karo (59:النباء: (5)
- (6) Allah Ki Utari Huyi Kitab Aur Rasool Ki Taraf Aao (61:النياء)
- (7) Aur Jo Allah Aur Us Ke Rasool Ka Hukm Maane (70:النياء)
- (8) Jis Ne Rasool Ka Hukm Maana Beshak Us Ne Allah Ka Hukm Maana (النساء:80)
- (9) Aur Jo Apne Ghar Se Nikla Allaho Rasool Ki Taraf Hijrat Karta (100) (النباء: 9)
- (النياء:10) Iman Rakho Allah Aur Us Ke Rasool Par (136)
- (11) Aur Kafir Chahte Hain Ke Allah Se Us Ke Rasoolo Ko Juda Kar Dein (النساء:150)
- (12) Aur Jo Allah Aur Us Ke Rasoolo Par Iman Laaye (152:النباء)
- (النباء: 171) Allah Aur Us Ke Rasoolo Par Iman Laao
- (المائره:33) Jo Allah Aur Us Ke Rasool Se Ladte Hain (33)

- (15) Tumhare Dost Nahin Magar Allah Aur Us Ka Rasool Aur Iman Waale (55:مالكره)
- (16) Aur Jo Allah Aur Us Ke Rasool Aur Musalmano Ko Apna Dost Banaye (56:مالنائه
- (17) Aao Us Ki Taraf Jo Allah Ne Utara Aur Rasool Ki Taraf (104:المائعة)
- (18) To Iman Laao Allah Aur Us Ke Rasool Be Padhe Ghaib Batane Waale Par (158:الاتراف)
- (19) Allah Aur Us Ke Rasool Ka Hukm Maano (1:الانقال)
- (20) Ye Is Liye Ke Inhone Allah Aur Us Ke Rasool Se Mukhalifat Ki(13: اللغفال)
- (21) Aur Jo Allah Aur Us Ke Rasool Se Mukhalifat Kiye (13:الانفال)
- (22) Allah Aur Us Ke Rasool Ka Hukm Maano (20:الانفال)
- (23) Aye Iman Waalo! Allah Aur Us Ke Rasool Ke Bulane Par Haazir Ho Jaao (24:الانفال)
- (24) Allah Aur Rasool Se Dagha Na Karo (27) (الانفال: 24)
- (25) To Is Ka Panchwa Hissa Khaas Allah Aur Us Ke Rasool Ka Hai..... Al Aayat (41:الانفال)
- (26) Bezari Ka Hukm Sunana Hai Allah Aur Us Ke Rasool Ki Taraf Se (1:والتوبة)
- (27) Allah Aur Us Ke Rasool Ki Taraf Se Tamam Logon Ki Taraf Bade Hajj Ke Din Ailan Hai (3:التوبة)
- (28) Allah Bezaar Hai Mushriko Se Aur Us Ka Rasool (3:التوبة)
- (29) Mushriko Ke Liye Allah Aur Us Ke Rasool Ke Paas Koi Ahad Kyun Kar Hoga (7:التوبه:)
- (30) Allah Aur Us Ke Rasool Aur Musalmano Ke Siwa Kisi Ko Apna Raazdar Na Banayenge (16:التوبة)
- (31) Ye Cheezein Agar Tumhein Allah Aur Us Ke Rasool Se Zyada Pyari Ho (24:التومة)
- (32) Aur Haraam Nahin Maante Us Cheez Ko Haraam Kiya Allah Aur Us Ke Rasool Ne (29:التوبه: التوبه: التوبه: التوبه: التوبه: التوبه: (32)

- (33) Ye Ke Wo Allah Aur Us Ke Rasool Se Munkir Huye (54: التوبة)
- (34) Aur Kya Hi Achha Hota Agar Wo Is Par Raazi Hote Jo Allah Aur Rasool Ne In Ko Diya (59:التحبة)
- (35) Aur Kehte Hain Humein Allah Kaafi Hai Ab Deta Hai Allah Humein Apne Fazl Se Aur Us Ka Rasool (59:التوبة)
- (36) Aur Allaho Rasool Ka Haque Zyada Tha Ke Use Raazi Karte (62:التوبة)
- (37) Jo Mukhalifat Kare Allah Aur Us Ke Rasool Ki (63:التوبه: 37)
- (38) Aur Allaho Rasool Ka Hukm Maanein (71:التوبه: 17)
- (39) Aur Unhein Kya Bura Laga Yahi Na Ke Allaho Rasool Ne Unhein Ghani Kar Diya (74:التوبة)
- (40) Is Liye Ke Wo Allah Aur Us Ke Rasool Ke Munkir Huye (80:التوبة)
- (41) Beshak Wo Allah Aur Rasool Se Munkir Huye (84:التوبة)
- (42) Wo Jinhone Allaho Rasool Se Jhoot Bola Tha (90:التوبه)
- (التيه: 91) Jab Ke Allah Aur Us Ke Rasool Ke Khair Khaa Rahein
- (44) Aur Ab Allaho Rasool Tumhare Kaam Dekhenge (94:رالتوبه: 44)
- (التوبه: 45) Aur Ab Allaho Rasool Tumhare Kaam Dekhenge (105)
- (46) Aur (Ye Masjid -e- Zaraar) Us Ke Intezar Mein Hai Jo Pehle Se Allah Aur Us Ke Rasool Ka Mukhalif Hai (107:والتوجة)
- (47) Hum I man Laaye Allah Aur Rasool Par (47:رالخور:47)
- (48) Aur Jab Allah Aur Us Ke Rasool Ki Taraf Bulaye Jaayein (48:النور
- (49) Ya Ye Darte Hain Ke Allaho Rasool In Par Zulm Karenge (50:الخر:50)
- (50) Jab Allah Aur Rasool Ki Taraf Bulaye Jaayein Ke Rasool In Mein Faisla Farmaye (51:التور)
- (51) Aur Jo Hukm Maane Allah Aur Us Ke Rasool Ka (52:رالخور)
- (52) Tum Farmao Ke Hukm Maano Allah Aur Hukm Maano Rasool Ka (54:التور)
- (53) Iman Waale To Wahi Hain Jo Allah Aur Us Ke Rasool Par Yaqeen

(النور:Laaye (62)

- (54) Jo Allah Aur Us Ke Rasool Par Iman Laate Hain (62: النور:54)
- (الاحزاب:55) Humein Allaho Rasool Ne Waada Na Diya (12:اللاحزاب)
- (56) Bole Ye Hai Wo Jo Humein Waada Diya Tha Allah Aur Us Ke Rasool Ne (22:בוּע:לוי)
- (57) Aur Sach Farmaya Allah Aur Us Ke Rasool Ne (22:الاحزاب)
- (58) Agar Tum Allah Aur Us Ke Rasool Ko Chahti Ho (29:الاحزاب)
- (59) Aur Jo Tum Mein Farma Bardaar Rage Allah Aur Us Ke Rasool Ki (31: ווש *צו*יש)
- (60) Aur Allah Aur Us Ke Rasool Ka Hukm Maano (32:الاحزاب)
- (61) Jab Allaho Rasool Kuchh Hukm Farma Dein (36:الاحزاب)
- (62) Aur Jo Hukm Na Maane Allah Aur Us Ke Rasool Ka (36:الاحزاب)
- (63) Jise Allah Ne Neamat Di Aur Tumne Use Neamat Di (37:الاحزاب)
- (64) Beshak Jo Iza Dete Hain Allah Aur Us Ke Rasool Ko (57:الاجزاب)
- (65) Haaye Kisi Tarah Humne Allah Ka Hukm Maana Hota Aur Rasool Ka Hukm Maana Hota (66:الاتراب)
- (66) Aur Jo Allah Aur Us Ke Rasool Ki Farma Bardaari Kare (71:باب: 71)
- (67) Allah Ka Hukm Maano Aur Rasool Ka Hukm Maano (33: \$\mathcal{x}\$)
- (68) Taaki Tum Allah Aur Us Ke Rasool Par Iman Laao (9: تُنَّا)
- (69) Wo Jo Tumhari Bai'at Karte Hain Wo Allah Hi Se Bai'at Karte Hain (10: $\ddot{\vec{z}}$)
- (70) Aur Jo Iman Na Laaye Allah Aur Us Ke Rasool Par (13:عُنّا)
- (71) Aur Jo Allah Aur Us Ke Rasool Ka Hukm Maane (17:تُّنَّ)
- (72) Allah Aur Us Ke Rasool Se Aage Na Badho (الحجرات: 1)
- (73) Aur Agar Tum Allah Aur Us Ke Rasool Ki Farma Bardaari Karoge (14:امجُرات)
- (74) Iman Waale To Wahi Hain Jo Allah Aur Us Ke Rasool Par Iman Laaye (15:الجُرات

ورفعنالك" Mufassireene Kiraam Aayate Qur'ani

- (الحديد: 19) Aur Wo Jo Allah Aur Us Ke Sab Rasoolo Par Iman Laayein (الحديد: 19)
- (76) Ye Is Liye Ke Tum Allah Aur Us Ke Rasool Par Iman Rakho (4:الهجادلة)
- (77) Beshak Jo Mukhalifat Karte Hain Allah Aur Us Ke Rasool Ki (5:البجادلة)
- (78) Aur Allah Aur Us Ke Rasool Ke Farma Bardaar Raho (13:البجادلة)
- (79) Beshak Wo Jo Mukhalifat Karte Hain Allah Aur Us Ke Rasool Ki (20:البجادلة)
- (80) Allah Likh Chuka Ke Zaroor Main Ghalib Aaunga Aur Mere Rasool (21:البجادلة)
- (81) Aur Jinhone Allah Aur Us Ke Rasool Ki Mukhalifat Ki (22:البجادلة)
- (82) Ye Is Liye Ke Wo Allah Aur Us Ke Rasool Se Juda Rahe (40:الحثرة)
- (83) (Wo Ghaneemat) Allah Aur Rasool Ki Hai..... Al Aayat (70:الحرثة)
- (84) Aur Allaho Rasool Ki Madad Karte Hain (80:الحثر: 84)
- (الصف: 11) Iman Rakho Allah Aur Us Ke Rasool Par الصف: 15)
- (86) Aur Izzat Allah Aur Us Ke Rasool Aur Musalmano Ke Liye Hi Hai (8:المنافقون)
- (87) To Iman Laao Allah Aur Us Ke Rasool Par (8:التغابن)
- (88) Aur Allah Ka Hukm Maano Aur Rasool Ka Hukm Maano (12:النخاني)
- (89) Aur Jo Allah Aur Us Ke Rasool Ka Hukm Maane (23:الجن

(ملخصًا: كمال وجمال حبيب، ص42 تا49)

Zikre Khuda Jo Un Se Juda Chaho Najdiyo Wallah Zikre Haque Nahin Kunji Saqar Ki Hai

Imam -e- Ahle Sunnat Farmate Hain Ke Aye Najdiyo! Agar Tum Ye Chahte Ho Ke Huzoor مَلَ شَالِهُ تَعَالَى عَلَيْهِ وَالِمُوسَلَّهُ Ke Zikr Ko Khuda Ke Zikr Se Juda Kar Diya Jaaye To Khuda Ki Qasam! Aisa Zikr Khuda Ka Zikr Na Kehla Sakega Balki (Wo Zikr) Jahannam Ki Chaabi Saabit Hoga Aur Tumhein Dozakh Mein Gira Kar Chhodega

(انظر:شرح كلام رضا،ص590)

Abde Mustafa

اناكرك Ke Maana Ye Batate Hain Jaha Mera Zikr Hoga Wahi Tera Zikr Hoga,

Ibne Asakir Wa Hafiz Hussain Ibne Ahmad Ibne Abdullah Ibne Bakar Hazrat Abu Amama Bahili Radi Allahu Ta'ala Anhuma Se Zikr Karte Hain:

من ولدله مولود فسمالا محمدا حبابي و تبركا باسمي كان هو

ومولودةفيالجنة

Tarjuma: Jis Ne Meri Muhabbat Aur Mere Naam Se Husoole Barkat Ke Liye Apne Nau Maulood Bacche Ka Naam Muhammad Rakha To Wo Aur Us Ka Baccha Dono Jannati Honge,

Imaam Jalaluddin Suyooti Farmate Hain:

"هذا امثل حديث وردفي هذا الباب واسناده حسن"

Is Baare Mein Ye Sab Se Umda Hadees Hai Aur Is Ki Sanad Hasan Hai,

(Ba Hawala Fatawa Razawiyya, Jild Dahum, Nisf Awwal, Page 202)

Fatawa Imaam Sakhawi Mein Hai Ke Abu Ash'at Harani Ne Imaam Ata Se Riwaayat Kiya:

من اراد ان يكون حمل زوجته ذكرا فليضع يدة على بطنها

وليقلان كأنذكرا فسميته محمدا فأنه يكون ذكرا

Saahibe Roohul Maani Allama Aalosi Ne Apni Tafseer Mein Zer Aayat :

"فتلقى آدم من ربه كلمات فتابعليه"

Tahreer Farmaya:

"قيلرأىمكتوباعلىساقالعرش محمدرسولالله فتشفع

به(377/1)

Hazrat Aadam Alaihissalam Ne Saaqe Arsh Par Naame Muhammad مَلَّى اللهُ تَعَالَى عَالَيْهِ وَالِهِ وَسَلَّم Likha Dekha Un Ke Waaste Se Dua Maghfirat Ki To Allaah Ta'ala Ne Us Ki Barkat Se Aap Alaihissalam Ki Tauba Qubool Farmayi, Mundarija Baala Tafseel Se Ye Waazeh Ho Gaya Ke Jumla Jaiz Umoor Ki Ibtida Mein Tabrrukan Allaah Jalla Jalalahu Aur Rasoolullaah مَلَّى اللهُ تَعَالَى عَلَيْهِ وَالِهِ وَسَلَّم Ke Asma -e-Giraami Ka Zikr Mahboob Wa Mandoob Hai Aur Zikr Zuban Aur Tahreer Dono Hi Soorato Ko Aam Hai,

Koi Tahreer Ho Rahi Ho To Us Ki Ibtida Mein Hi Zikr Ho Aur Deegar Umoor Ho To Zuban Se Zikr Kiya Jaaye, Chunanche Huzoor Sayyide Aalam صَلَّى اللهُ تَعَالَى Ne Hudaibiya Ke Maqam Par Ahle Makka Se Jo Tahreeri Muahida Sulah Farmaya Us Ki Ibtida Bhi بسم الله الرحمن الرحيم Se Ki,

(Ayini Awwal, Page 12)

Quroone Oola Se Hi Aam Taur Se Islami Musannifeen Ka Ye Dastoor Ho Gaya Ke Wo Apni Tasneefat Ki Ibtida Bismillah Aur Hamdo Salaat Se Karte Hain, Agar Kisi Ne Is Ka Khilaf Kiya To Us Par Tarah Tarah Ke Aitraazat Kiye Jaate Rahe Khud Imaam Bukhari Bhi Is Silsile Mein Aitraazat Ki Bauchhar Se Na Bach Sake,

Ab Hum Is Amr Par Raushni Daalte Hain Ke Zikre Khuda Aur Rasool Ke Liye Kisi Khaas Zuban Ya Rasamul Khat Ki Takhsees Nahi Hai,

Allaah Ta'ala Irshaad Farmata Hai:

وَمَأْ أَرْسَلْنَامِنُ رَّسُوْلِ إِلَّا بِلِسَانِ قَوْمِهِ

Allaah Ta'ala Ne Har Rasool Ko Us Ki Qaum Ki Zuban Ke Saath Bheja (Soorah Ibrahim:4)

Tafseer Nishapuri Mein Hai:

ثمر لما من الله على المكلفين بانزال الكتاب و ارسال الرسول ذكر ان من كمال تلك النعمه ان يكون ذلك

الكتاب بلسان المرسل اليهمر

(Nishapuri Al Hashiya Tabri, Jild 12, Page 104)

Allaah Ta'ala Ne Mukhalifeen Par Apna Ye Ahsan Zaahir Farmaya Ke Maine Tumhare Liye Kitab Utari Aur Rasool Bheje Aur Is In'aam Ka Kamal Ye Hai Ke Kitab Usi Qaum Ki Zuban Mein Hai Jis Par Utari Gayi, Is Aayat Ki Tafseer Mein Tafseere Tabri Jild 12 Page 121 Mein Hai:

يقول تعالىذ كرة (وما أرسلنا) الى امة من الاممريا محمد من قبل قومك ,,,

(ورسولا إلا بلسان قومه) الامة التي ارسلناه اليها ولغتهم

ليفهمهم ما ارسله الله به اليهم من امر لاونهيه

Allaah Tabarak Wa Ta'ala Irshaad Farmata Hai Ke Aye Muhammad مَلَّى اللهُ تَعَالَى عَلَيْهِ وَالِهِ وَسَلَّم Hum Ne Aap Se Aur Aap Ki Qaum De Pehle Jo Rasool Bhi Bheje To Us Qaum Ki Zuban Aur Lughat Mein Bheje Taaki Wo Paighambar Allaah Ta'ala Ke Ahkaam Unhein Khoob Samjhayein,

Aur Zaahir Yahi Hai Ke Kitab Jis Zuban Mein Utregi Rasmul Khat Bhi Usi Zuban Ka Hoga, Aur Allaah Wa Rasool Ke Zikr Wa Asma Bhi Usi Rasmul Khat Mein Tahreer Honge, Jis Se Ye Amr Aaftab Ki Tarah Raushan Ho Gaya Le Allaah Jalla Jalaaluhu Wa Rasoolullaah مَثَى اللهُ الله الله الله عَلَيْهِ وَالِهِ وَسَلَّمَ Ke Asma Wa Sifaat Wa Aayate Zikr Ka Kisi Rasmul Khat Mein Likha Mana Nahi Balki Jaiz Wa Ma'amool Hai,

Ab Hum Adadi Rasmul Khat Ke Baare Mein Kuch Arz Karte Hain:

Khutoot Wa Muraslaat Mein In Asma Ke Saath Tabarruk Agar Arabi Rasmul Khat Mein Ho To Is Mein Is Bad Ehtiyati Ka Khatra Tha Ke Is Ko Paak Ya Napak Sabhi Chhote Hain Aur Is Ko Zameen Par Bhi Daal Dete Hain, To Is Bad Ehtiyati Se Bachane Ke Liye Ek Naya Rasmul Khat Ijaad Kiya Gaya Jis Mein Arabi Huroofe Tahajji Ki Adadi Haisiyyat Muqarrar ن , "Ke Liye "2", خ Ke Liye "2", خ Ke Liye "2", ق Ke Liye "3" Aur , Ke Liye "4" Al Aakhira Aur Kisi Isme Zaat Ya Aayat Mein In Sab Ka Adadi Qeemat Jod Kar Us Ke Majuna Ko Us Ism Ya بسمالله الرحن Aayat Ki Alamat Qarar Diya, Maslan Mein Kul 19 Huroof Likhne Mein Aate الرحيم Hain, In Huroof Ki Adadi Quwwat Ka Majmua بسمالله الرحن الرحيم 786 Hua, Is Ko Likh Dene Ke Baad بسمالله الرحن الرحيم Ka Tabarruk Bhi Haasil Ho Gaya Aur Mumkina Be Adabi Ke Khatre Se Bhi Hifazat Ho Gayi, Ye Saari Tafseel Hum Ne Aap Ki Tasalli Ke Liye Likh Di Hai Warna Motariz Bakar Ka Kaam To Wahin Se Tamam Ho Gaya Ke Is Ke Jawaz Mein Daleel Dena Humari Zimmedari Nahi Hai Albatta Is Ke Najaiz Hone Ki Aayat Ya Hadees Pesh Karna Bakar Saahib Ka Kaam Hai

واللهتعالىاعلم

Abdul Mannan Aazmi

Shamsul Uloom Ghosi, Zila Mau

(Dekhein Fatawa Bahrul Uloom, Jild 6, Page 128-132, Kitabul Aqaid, Shabbir Brothers Lahaur, 1431 Hijri)

Chautha Hawala Tafheemul Masail

Suwaal: Tafheemul Masail Jild Dom Mein Is Talluq Se Suwaal Kiya Gaya Aur Suwaal Mein Kisi Mufti Sahab Ki Tahqeeq Ko Bhi Naql Kiya Gaya Hai Jis Mein 786 Likhne Ka Sakhti Se Na Sirf Radd Kiya Gaya Balki Ise Hindumat Se Joda Gaya Hai, Pehle Hum Wo Jawab Naql Karte Hain

Ek Shiddat Pasand Mufti Ka Jawab:

Aam Taur Par Khutoot, Dastawezaat Aur Tahreero Waghaira Mein Bismillah Ke Bajaye 786 Likh Diya Jaata Hai Ke Un Kaghzat Ke Zameen Par Girne Se Bismillah Ke Pakeeza Huroof Ki Be Adabi Hoti Hai, Un Ko Be Adabi Se Bachane Ke Liye 786 Likh Diya Jaata Hai Jab Ke Islami Taleem Waazeh Taur Par Ye Hai Ke Har Kaam Allaah Ta'ala Ke Naam Se Shuru Karna Chahiye, Jo Kaam Allaah Ta'ala Ke Naam Se Shuru Na Kiya Jaaye Us Mein Barakat Nahi Hoti Aur Wo Paaya -e- Takmeel Tak Bhi Nahi Pahunchta, Ye Baat Qabile Ghaur Hai Ke Is Tarah Allaah Ta'ala Ka Naam Lena Saheeh Hai, Farz Kijiye Kisi Ke Naam Ke A'adaad Ka Majmua 420 Ho Aur Koi Use Naam Ke Bajaye Mistar 420 Kah Kar Pukare To Us Ka Radde Amal Kya Hoga, Isi Tarah Bismillah Ke Bajaye 786 Kisi Tarah Bhi Pasandida Nahi Hai Phir Ye Baat Bhi Yaad Rakhni Chahiye Ke Bismillah Ke A'adaad 786 Nahi Bante, Qamari Huroof Ki Soorat Mein "ال" Laga Kar Padha Jaata Hai Jab Ke Shamsi Huroof Ke Saath "ال" Likha To Jaata Hai Lekin Padha Nahi Jaata, الرحمان Aur الرحيم Mein

Qamari Huroof Ki Soorat Mein Bismillah Ke A'adaad Ka Majmua 726 Banta Hai Yaani Kisi Bhi Soorat Mein Is Ka Majmua 786 Nahi Banta, Ab Suwaal Ye Paida Hota Hai Ke Phir 786 Hai Kya? Ghalib Imkaan Ye Hai Ke 786 Hinduon Ke Bhagwan Hare Krishna Ke Naam Ke Huroof Ka Majmua Hai, Huroofe Abjad Ke Hisab Se Usi Ke Ye A'adaad Nikalte Hain, Barre Sagheer Paako Hind Ke Musalman Saikdon Baras Tak Hinduo Ke Saath Ikatthe Rahe Hain. Wo 786 Istimal Karte Hoge, Is Ki Tasreeh Unhone Musalmano Ke Samne Ghalat Andaaz Mein Ki Hogi Aur Unhone Is Ko Saheeh Samajh Kar 786 Ka Istimal Shuru Kar Diya, Bismillah Ke Liye Is Tarah Ke A'adaad Ka Istimal Dar Hageegat Allaah Ta'ala Ki Narazi Ko Dawat Dene Ke Mutaradif Hai, Is Liye In A'adaad Ke Istimal Se Mukammal Taur Par Ijtinab Karna Chahiye

Mazkoora Baala Jawab Mein Mufti Saahib Ne Ise Bilkul Ghalat Aur Baatil Qarar Diya Hai Aur Is Ka Rishta Hindumat Se Jod Diya Hai Aur Ye Bhi Daawa Kiya Hai Ke بسم الله الرحمن الرحيم Ke A'adaad Ka Majmua Qamari Huroof Ke Hisab Se 1186 Banta Hair Aur Shamsi Huroof Ke Hisab Se 726 Banta Hai, 786 To Kisi Soorat Mein Nahi Banta, Is Jawab Ko Padh Kar Bahut Se Log Tashweesh Mein Mubtila Hain Kyonki Humara Mushahida Hai Ke Buzurgane Deen Ise Apni Tahreero, Khutoot Aur Taweezat Mein Istimal Karte Rahe Hain Aur Ab Bhi Ye Riwayat Jaari Hai, Lihaaza Guzarish Hai Ke Shariate Mutahhara Ki Roshni Mein Is Mas'ale Ko Hal Kijiye Taaki Hum Jaise Logo Ka Iztiraab Rafa'a Ho

Professor Mufti Munibur Rahman Ka Jawab:

Sab Se Pehle To Ye Itminaan Kar Lijiye Ke بسمالله الرحمن الرحيم Ke A'adaad Ka Majuna Abjad Ke Hisab Se 786 Hi Banta Hai, Is Ki Tafseel Darje Zel Hai:

Qaida He Hai Ke Jo Huroof Maktoob Hote Hain Un Ke A'adaad Ka Hisab Lagaya Jaata Hai, Khwaah Wo Shamsi Ho Ya Qamari, Tashdeed Ki Soorat Mein Bhi Chonki Maktoob Ek Hi Harf Hota Hai Lihaaza Us Ke A'adaad Ko Jama Kar Liya Jaata Hai, Lafze Allaah Aur Rahman Par Khadi Zabar Ba Soorate Harf Nahi Hai Balki Ba Soorate Harkat Hai, Lihaaza Is Ka Adad Bhi Hisab Mein Nahi Aayega, Humare Haan Ek Alamiya Ye Hai Ke Koi Shakhs Kisi Ilm Ya Fan Ka Maahir Ho Ya Na Ho, Us Mein Taang Zaroor Adata Hai Aur Na Sirf Mahirana Raay Deta Hai Balki Apni Raay Ko Harfe Aakhir Samajhta Hai Aur Hujjat Qaate'a Qarar Deta Hai Aur Is Muaamle Mein Sab Se Zyada Mazloom Islam Aur Shariat Hai, Baqaule Shaayir Har Boo Lahos Ne Husn Parasti Shiaar Ki Ki Ab Ab Rooe Shuyooh Ahle Nazar Gayi,

Ab Jad Ke Usool Ka Arabi Istilahi Naam "Jamal" Ya "Jummal" Hai,

Mufti Saahib Ne Doosri Mughalta Aarai Ya Khud Sakhta Ijtihad Ye Kiya Hai Ke 786 Ke A'adaad Ko Hinduo Ke Bhagwan "Hare Krishna" Ke A'adaad Ka Majmua Qarar De Kar Is Se Zaahir Kiya Hai Ke Ye Ek Mushrikana Kalima Hai, Is Silsila Mein Guzarish Ye Hai Ke "Hare Krishna" Sanskrit Ka Lafz Hai, Na Ke Arabi Ka Aur "Jamal" Ka Hisab Arabi Ka Hai Aur Urdu Mein Bi Ayenihi Arabi Ke Huroof Mustamal Hone Ki Wajah Se Ise Urdu Mein Bhi Ikhtiyar Kar Liya Jaata Hai, Kyon Ke Urdu Ke Usoole Maakhaz Arabi Aur Farsi Hain Sanskrit Mein To Jamal Ke Hisab Jari Karne Waale

Mufti Hisaamula Shareefi Sahah Pehle Fard Hain, Aitbar To Usi Rasmul Khat Ka Hota Hai, Jis Ka Wo Kalima Ya Harf Hai, Sankrit Ki To Abjad (Alphabetic) Un Ka Rasmul Khat Aur Talaffuz Bilkul Juda Hai, Kisi Mahire Sanskrit Se "Hare Krishna" Likhwa Kar Dekh Lijiye Us Ke Baad Huroof Ke Mushabe Ba Hisab Jamal Abjad Ka Koi Bhi Harf Nahi Hai, Hazrat Mufti Muhammad Shareeful Haq Amjadi Saahib Rahmatullahi Ta'ala Alaih Ke Baqaul Bahut Hi Kheench Taan Kar A'adaad Ko Jod Bhi Liya Jaaye (Yaani Sanskrit Ke Hare Krishna Ke Asal Huroof) To Zyada Se Zyada 436 Bante Hain, Lekin Agar Kisi Ko Khwaah Makhwaah Musalmano Ka Hindu Mat Se Rishta Jodne Ya Us Se Mutassir Qaraar Dene Ka Shoq Ho To Yahi Kaha Ja Sakta Hai Ke

Ab Dekhein Sanskrit Ke Huroofe Tahajji

Arabi Mein Kahan Hain, Aur Jin Hindi Ya Sanskrit Ke Alfaaz Mein Ye Huroofe Tahajji Istimal Honge, Un Ke A'adaad Ka Hisab Mufti Saahib Mausoof Kaise Karenge, Ya Un Ke "Jamal" Ke Naye Qawaayid Waza'a Karenge, Kya Mufti Saahib Na Qaabile Tardeed Dalaayil Se Ye Saabit Kar Sakte Hain Ke Sanskrit Ya Hindu Mat Mein Jamal Ka Hisab Raayij Tha,

Humara Ye Mauqif Ke Bismillahir Rahmanir Raheem Ke Liye 786 Ka Adad Ahle Ilm Ke Haan Istimaal Hota Raha Hai, Tawatur Ke Saath Saabit Hai, Is Waqt Mere Samne Ek "Ilmul Meeras" Ka Ek Risala Hai Jis Ka Naam "Mufeedul Wariseen Mukammal" Aur Ye Naam Bhi "Jamal" Ke Hisab Se Rakha Gaya Hai, Yaani Risale Ke Sana Taba'at Bhi 1349 Hijri Hai Aur Kitab Ke Mazkoora Baala Naam Ke A'adaad Ka Majmua Bhi 1359 Banta Hai, Ye Risala Darul Isha'at Deoband Zila Saharanpur Se Shaya Hua Hai Aur Is Ke Musannif Darul Uloom Ke Ek Buzurg Naami Girami Mudarris Sayyid Asghar Hussain Hain, Wo Kitab Ke Safah Number 232 Par Likhte Hain:

"Ek Taweel Kaghaz Le Kar Us Ki Peshani Par "هوالباق" Ya "بسم الله Likho, Ya بسم الله Ke A'adaad 786 Likho, Waghaira,

Imaam Ahmad Raza Khan Qadri Rahmatullahi Ta'ala Alaih Ki Kitabo Ke Naam Bhi "Jamal" Ke Hisab Se A'adaad Ke Mutabiq Hain, Baaqi Ye Amre Muslim Hai Ke Har Nek Aur Aham Kaam Ka Aaghaz "بسمالله" Se Karna Chahiye, Agar Wo Kaam Koi Acchi Tahreer, Tasneef Ya Khatte Kitabat Hai To Us Ke Shuru Mein Bhi "بسم الله" Likhna Masnoon, Mustahab Aur Mustahsan Amr Hai. Is Se Us Kaam Mein Bhi Barakat Paida Hoti Hai Aur Us Tahreer Mein Bhi Barkat Hoti Hai Lekin Kisi Tahreer Ya Khate Kitabat Ke Shuru Mein Bismillahir Rahmanir Raheem Us Waqt Likha Jaaye Janb Ye Zanne Ghalib Ya Kam Az Kam "Mukhatib" Aur "Maktoob Alaih" Ke Baare Mein Husne Zan Ho Ke Wo Is Ka Adabo Ehtiram Malhooz Rakhenge, Use Qadmo Ke Neeche Ya Kisi Dustbin Aur Koode Daan Mein Nahin Phekenge Aur Agar Khuda Na Khwasta Be Adabi Ka Guman Ya Yaqeen Ho To Phir Khatte Kitabat Ya Tahreer Ke Shuru Mein بسمرلله Hargiz Na Likhi Jaaye Balki Khatte Kitabat Ya Tahreer Shuru Karne Se Pehle Zubani Bismillahir Rahmanir Raheem Padh Le Aur Phir Likhna Shuru Kar De, Humare Fuqaha -e- Kiraam Ne Likha Hai Ke Agar Kuffar Ki Basti Mein Jaata

Ho Aur Yaqeen Ya Zanne Ghalib Ho Ke Qur'an Majeed Le Kar Jayenge Aur Wo Un Ke Hath Lag Gaya To Wo Us Ki Be Hurmati Karenge To Phir Aisi Soorate Haal Mein Qur'an Majeed Saath Le Kar Na Jaayein,

Ye Aqeeda Ya Nazariya Kisi Ka Nahi Ke بسم Likhne Ya Padhne Ke Bajaye 786 Ka Adad Likha Jaaye Ya Padh Liya Jaaye To Bismillah Ka Sawab Milega, Kyon Ke Ye Aqeeda Ikhtiyar Karne Se Sunnate Bismillah Ka Tark Laazim Aayega, Jis Ka Hum Tasawwur Bhi Nahi Kar Sakte, To Phir Ye Suwaal Paida Hoga Ke Jab 786 Bismillah Ka Mutabadil Ya Us Ke Qaayim Maqam Nahin Hai To Likhne Ka Kya Faayida?

Aap Ko Maloom Hai Ke Baaz Code Words Ya Isharati Alfaaz Ya Nishanat Hote Hain, Jo Muslih Afwaaj Security Engineer Aur Baaz Suraagh Rasani Ke Idaaro Ya Shoba Jaat Mein Istimaal Hote Hain Aur Us Shoba Se Wabasta Afraad Ka Zehan Un Ke Sunte Hi Ya Us Par Zehan Padhte Hi Un Ma'ana Ki Taraf Muntaqil Ho Jaata Hai, Jin Ke Liye Unhein Waza'a Kiya Gaya Hai, To Agar Khat Ya Tahreer Ke Shuru Mein 786 Ka Adad Likha Ho Aur Us Par Nazar Padte Hi Qaari Ka Zehan Bismillah Ki Taraf Muntaqil Ho Jaaye Aur Wo Fauran بسم الله الرحن الرحيم Padh Le To Ye Bhi Bahut Bada Faayda Hai, Be Adabi Se Bhi Bach Gaye Aur Sunnate Bismillah Ka Ajr Bhi Paa Liya, Ye To Tay Hai Ke 786 Ka Likhna Kisi Ke Nazdeek Bhi Wajib Ya Sunnat Ke Darje Mein Nahi Hai Aur Is Ke Tark Se Koi Sharayi Kharabi Lazim Nahi Aati Lekin Agar Is Par Nazar Padte Hi Bande Ka Zehan Mutawajje Ho Jaaye Aur Wo Bismillah Padh Le To Ye Is Jihat Se Ek Mustahab Amr Hoga,

Ye Mas'ala Ke A'adaad Mein Koi Taseer Hai Ya Nahi? Meri Nazar Mein Is Ke Liye Koi Daleele Sharayi Nahi Hai Lekin Shah Waliullah Muhaddise Dehelvi Aur Shah Abdul Azeez Muhaddise Dehelvi Samet Deegar Mutaddid Musallama Akabire Ummat Taweezat Mein In Ka Istimal Karte Rahe Hain Aur Humara In Sab Akabire Ummat Ke Baare Mein Husne Zan Hai Ke Ye Kisi Khilafe Shar'a Amr Par Mujtama Nahi Ho Sakte Aur Huzoor مَلَى اللهُ تَعَالَى عَلَيْهِ وَالِهِ وَسَلَّمَ Ka Irshade Mubarak Hai:

لاتجمع امتى على الضلالة

Meri Ummat Gumraahi Pat Mujtama Nahi Ho Sakti (Al Hadees)

Tawaris Wa Tawatur Ke Saath Akabir Wa Sulaha -e- Ummat Ka Amal Ye Batata Hai Ke In Ke Nazdeek Ye Amal Mujarrab Hai,

Ek Aham Mas'ala Ye Hai Ke Jamal Ya Abjad Ya Huroof Ke A'adaad Ka Tasawwur Musalmano Mein Kab Se Mut'aarif Tha, To Is Silsile Mein Guzarish Hai Ke Musalman Ahade Risaalat Mein Bhi Is Se Aashna The, Chunanche Allama Qaazi Abul Khair Abdullah Bin Umar Baizaawi Shirazi, Mutawaffa 685 Hijri Ne Apni Maarikatul Aara Tafseer Anwaarut Tanzeel Mein Alif Laam Meem Ki Bahas Mein Ye Hadees Naql Ki Hai

اوالى مدد اقوام وأجال بحساب الجمل كما قاله ابوالعالية مسكا بما روى انه عليه الصلوة والسلام لما اتالا اليهود تلى عليهم المرة، البقرة، فحسبوة وقالوا كيفن دخل في دين مدته احدى وسبعون سنة؛ فتبسم رسول الله على، فقالوا: هل غيرة، فقال: المرض، آلر، المرة، وغيرة، فقالوا: خلطت علينا فلاندرى بأيها ناخل

Ya Baaz Soorato Ke Shuru Mein Mazkoor In

Huroofe Muqatta'at Se Be Hisab Jamal Baaz Qaumo Ki Baga Ki Miyad Ki Taraf Ishara Hai, Jaisa Ke Abul Aaliya Ne Rasoolullaah مَدًى اللهُ تَعَالى Ki Ek Hadees Se Istidlaal Kiya Hai, Ke عَلَيْهِ وَالِهِ وَسَلَّمَ Jab Yahood Aap Ke Paas Aaye To Aap Ne Unhein "المرالبقره" Padh Kar Sunayi To Unhone Hisab Lagaya Aur Kaha Ke "Hum Aise Deen Mein Kaise Daakhil Ho, Jis Ki Kul Muddat Hi مَلَّى اللهُ تَعَالى عَلَيْهِ وَالِهِ وَسَلَّمَ Saal Hai" To Rasoolullaah صَلَّى اللهُ تَعَالى عَلَيْهِ وَالِهِ وَسَلَّمَ Ye Sun Kar Muskuraye, To Is Par Yahood Ne Poocha: Kya Is Ke Alawa Bhi Kuch Hai? Phir Aap Ne "البص، البر، الر" Waghaira Deegar Aisi Aayaat Padh Kar Sunayi To Unhone Kaha Ke: Aap Ne Muaamla Hum Par Mushtaba Kar Diya, Ab Humein Samajh Nahi Aa Raha Ke Hum In Mein Se Kise Buniyad Bana Kar Hisab Lagayein,

Is Par Bahas Karte Huye Allama Qaazi Baizawi Likhte Hain Ke : Rasoolullaah مَلَى اللهُ تَعَالَى Ka Yahood Ke Is Istidlaal Ko Radd Na Karna (Yaani Jamal Ka Hisab Lagana Aur Use Saabit Wa Qaayim Rakhna Is Baat Ki Daleel Hai Ke Aap Ke Nazdeek Usooli Taur Par Hisab Lagana Khilafe Shar'a Nahi Hai, Goya Ye

Hadeese Tagreeri Hai)

Humein Asal Kutube Hadees Mein Ye Hadees Nahi Mili Lekin Baizaawi Ke Muhasshi Shaikh Habibur Rahman Kandhelwi Ne Likha Hai Ke Imaam Bukhari Ne Ise Tareekhul Bukhari Mein Riwaayat Kiya Hai, Is Par Agar Koi Shakhs Ye Aitraaz Kare Ke Jamal Ka Hisab To Apne Asal Ke Aitbar Se Arabi Nahi Hai, Lekin Baaz Awqaat Ghaire Arabi Koi Cheez Jab Ahle Arab Mein Mut'aarif Wa Mash'hoor Ho Jaaye To Use Qubool Kar Ke Arbiyyat Mein Daakhil Kar Diya Jaata Hai, Chunanche Kayi Arabi Alfaaz (Jaise Mishkat, Sajeel, Qistaas) Ko Muarrab Kar Ke Arabi Mein Dakhil Kar Diya Gaya Hai Aur Qur'an Mein Unhein Istimal Kiya Jaata Hai, Halanki Allaah Ta'ala Ka Waazeh Irshad Hai:

ان النزلنه قراءنا عربيا

Hum Ne Is (Qur'an Ko) Arabi Mein Naazil Kiya Hai,

(Yousuf: 2)

وهذا السأنعربيمبين

Aur Ye Waazeh Arabi Zuban Hai,

(Nahal: 103)

(Dekhein Tafheemul Masail, Az Professor Mufti Munibur Rahman, Jild 2, Page 349 Ta 355, Ziya Ul Qur'an Publication, Lahore, 2011 Iswi)

Panchwa Hawala Fatawa Faqeehe Millat

Hare Krishna Ke A'adaad

Tafheemul Masail Ke Hawale Se Is Par Bayan Guzar Chuka Ke 786 Waghaira Ko Hindu Mantr Se Jodna Kisi Tarah Durust Nahi Hai, Ab Hum Is Par Mazeed Tafseel Pesh Kar Rahe Hain, Fatawa Faqeehe Millat Mein Ek Suwaal Is Talluq Se Kuch Yoon Kiya Gaya:

Suwaal: Masjid Ki Deewar Par 786 Likha Hua Hai Imaam Saahib Kahte Hain Ise Ukhaad Kar Phenk Do Aur Wo Kahte Hain Khat Waghaira Kisi Bhi Cheez Par 786 Nahi Likhna Chahiye Is Liye Ke 786 Hare Krishna Ke Adad Hain To Aise Imaam Ke Baare Mein Kya Hukm Hai? Us Ke Peeche Namaz Padhna Kaisa Hai Aur Jitni Namazein Padhi Gayi Un Ka Kya Hukm Hai?

Al Jawab: Imaam Mazkoor Ka Ye Kahna Ghalat Hai Ke Khat Waghaira Kisi Bhi Cheez Par 786 Nahi Likhna Chahiye Aur Us Ka Ye Kahna Is Ko Masjid Ki Deewar Se Ukhaad Kar Phenk Do Is Liye Ke Hare Krishna Ka Adad Hai Mahaz Us Ki Jihaalat Aur Himaaqat Hai Wo Jamal Ke Qaayide Se Bilkul Nawaqif Hai Is Liye Ke Jamal Ka Hisab Arabi Huroof Ke Saath Khaas Hai Hindi, Sanskrit Mein Na Ye Tareeqa Raayij Hai Aur Na In Ke Huroof, Huroofe Tahajji Ke Mutabiq Hain, Jamal Ke Hisab Mein Jo Gintiya Hain Wo 28 Hain Aur Arabi Ke Huroofe Tahajji Bhi 28 Hain Jab Ke Sanskrit Ke Huroofe Tahajji 36 Hain Jis Mein Alif Sire Se Hai Hi Nahi, Alif Ki Sanskrit Mein Shabd Wa Huroof Nahi Maante Maatra Maante Hain Jab Ke Jamal Ke Hisab Mein Pahla Huroof Alif (Hamza) Hai Jis Ka Adad Ek Hai Neez Jamal Ke Bahut Se Huroof Sanskrit Mein Bilkul Nahi Aur Bahut Se ثاو، جا، خا، ذر ظار ص، من طارع، غ، فارق Aur Bahut Se Sanskrit Ke Huroofe Tahajji Jamal Ke Hisab Mein Nahi Maslan Bha, Pa, Ta, Tha, Jha, Ja, Chha, Dha, Da, Dha, Ga, Gha, Kha Waghaira

Agar Jamal Ka Hisab Sanskrit Waghaira Mein Hota To In Ke Har Huroofe Tahajji Ka Koi Na Koi Adad Zaroor Hota, Sanskrit Aur Hindi Ke Tamam Huroofe Tahajji Ka Adad Na Hona Aur Arabi Ke Har Har Huroofe Tahajji Ka Adad Hona To Ye Is Baat Par Waazeh Daleel Hai Ke Jamal Ka Hisab Sirf Arabi Kalimat Aur Huroof Mein Muatbar Hai Aur Deegar Zubano Ke Kalimat Aur Huroof Mein Is Ka Aitbaar Nahi, Aur Is Liye Bhi 786 Hare Krishna Ka Adad Nahi Ke Is Mein Aitbaar Usi Rasamul Khat Ka Hoga Jis Zuban Ka Wo Kalima Hai,

Hare Krishna Sanskrit Ka Lafz Hai Aur Sanskrit Mein Ise Is Tarah Likhte Hain

```
हरि कृष्णा
(Hare Krishna)
ह
Ko "ь" Maaniye
र
Ko "ь" Maaniye
ई
Ki Matra Ko "ь" Maaniye
कृ
Ko "هرر" Maaniye Aur
```

Mein "अ" Ki Maatra Ko "الف" Maaniye, Bil Tarteeb In Ke Adad Is Tarah Honge : 5, 200, 10, 20, 200 Aur 1 Kyonki "ण" Aur "ष" Ke Mumasil Abjad Mein Koi Harf Nahi Zabardasti "ष" Ko "ं" Aur "ण" Ko "ं" Maan Kar 786 Adad Nikalna Jamal Ke Hisab Se Bilkul Saheeh Nahi Na Us Lafz Urdu Ka Aur Na Urdu Rasmul Khat Ka Aitbaar Hoga Jis Zuban Ka Lafz Hai Usi Zuban Ke Rasmul Khat Ka Aitbar Laazim Wa Zaroori Hai, To Upar Kiye Gaye Hisab Ke Mutabiq "Hare Krishna" Ke Adad 786 Nahi Balki 436 Hain,

Aur Agar Is Ko Kisi Tarah Urdu Rasmul Khat Mein La Kar 786 Adad Maan Bhi Lein To Is Se Ye Kahan Laazim Aata Hai Ke Mahaz Is Wajah Se 786 Likhna Saheeh Na Rahe Is Mein Qat'an Kisi Sunni Saheehul Aqeeda Musalman Ki Niyyat Hargiz Ye Nahi Hoti Ke Ye Hare Krishna Ka Adad Hai Balki Log Ise الرحيم Ka Adad Samajh Kar Isi Ki Niyyat Se Likhte Hain Aur Jis Ki Jaisi Niyyat Hogi Us Ke Liye Waisa Hi Hukm Hoga, Hadees Shareef Mein Hai:

انماالاعمال بالنيات وانمالكل امرئى مانوى Yaani Aamal Ka Madaar Niyyato

Par Hai Aur Har Shakhs Ke Liye Wo Hai Jo Us Ne Niyyat Ki, (Bukhari Wa Muslim, Mishkat, Page 11)

Lihaaza Masjid Ki Deewar Par Aur Khat Waghaira Kisi Bhi Cheez Par 786 Likhna Ghalat Nahi, Jaiz Wa Durust Hai

Aur Soorate Mustafsira Se Zaahir Ye Hai Ke Wo Imaam Wahabi, Deobandi Hai Kyon Ke Ye Aitraaz Wahi Log Badi Kasrat Se Kar Rahe Hain, Yaqeen Ke Liye Maulwi Ashraf Ali Thanwi, Qasim Nanautwi, Rasheed Ahmad Gangohi Aur Khaleel Ahmad Ambethvi Ki Kufri Ibaaratein Mundarija Hifzul Imaan, Page 8, Tahzeerun Naas, Page 3, 14, 128 Aur Barahine Qaatiya, Page 51 Taqreeran Ya Tahreeran Us Ke Samne Pesh Ki Jaayein Ke Jin Ke Sabab Makka -e- Mukarrama, Madina -e-Munawwara, Hindustan, Pakistan, Bangladesh Aur Barma Waghaira Ke Sainkdo Ulama -e-Kiraam Wa Muftiyane Izaam Ne Maulwiyane Mazkoor Ko Qat'an Yaqeenan Kaafiro Murtad Qaraar Diya Hai,

Agar Imaam In Maulwiyo Ko Achha Ya Kam Az Kam Musalman Jaane Ya Un Ke Kufr Mein Shak Hi Kare To Ba Mutabiq Fatawa Hussamul Haramain Wo Bhi Kafiro Murtad Hai Is Liye Ke Fuqaha -e- Kiraam Ne Aise Logo Ke Baare Mein Irshaad Farmaya:

Lihaaza Is Soorat Mein Imaame Mazkoor Ke Peeche Namaz Padhna Hargiz Jaiz Nahi Aur Jitni Namazein Padhi Gayi Un Sab Ka Lautana Wajib Hai Jaisa Ke Aala Hazrat Imaam Ahmad Raza Muhaddise Bareilwy Radi Allahu Ta'ala Anhu Tahreer Farmate Hain:

Deoband Aqeede Waalo Ke Peeche Namaz Baatil Hai, Hogi Hi Nahi Farz Sar Par Rahega Aur Un Ke Peeche Padhne Ka Shadeed Azeem Gunaah Fathul Qadeer Sharah Hidaaya Mein Hai:

"لاتجوز الصلاةخلف اهل الاهواء الاملخصا"

(Fatawa Razawiyya, Jild Som, Page 235)

والله تعالى اعلم

Al Jawabe Saheeh : Jalaluddin Ahmad Amjadi Katabahu : Muhammad Owaisul Qadri Amjadi

10 Jamadil Aakhir

(Dekhein: Fatawa Faqeehe Millat, Jild 2, Page 283-284, Shabbir

Brothers Lahaur 2005 Iswi)

Chhata Hawala Fatawa Bahrul Uloom

Taweezat Mein A'adaad

Suwaal:

Suwaal Kiya Gaya Ke بسم الله الرحن الرحيم Ke Adad 786 Hain, Fiqh Ki Kitabo Mein Adad Na Likhne Ka Hukm Diya Jaata Hai Jaisa Ke Aala Hazrat Bhi Tahreer Kiye Hain Aur Doosre Maqaam Par Aala Hazrat Bismillah Ke Adad Daayein Taraf Se Tahreer Farmate The, 6 Ke Baad 7 Aur Phir 8 Daryaaft Talab Amr Ye Hai Ke Kutube Fiqh Mein Adad Na Likhne Ka Hukm Aur Taweezat Mein Likhte Hain Aakhir Kya Hukm Hai? Tahreer Karein,

Al Jawab:

Bahrul Uloom Mufti Abdul Mannan Aazmi Rahamatullahi Ta'ala Alaih Likhte Hain:

Aap Ne Fiqh Ki Kis Kitab Mein Dekha Hai Ke Adad Na Likha Jaaye Ummed Hai Ke Hawale Se Muttala Karenge, Taweezat Mein A'adaad Ka Istimal Shaae'a Wa Zaae'a Hai, Isi Tarah Khutoot Wa Rasail Mein Lafz Allaah Ko Be Adabi Se Bachane Ke Liye 786 Waghaira A'adaad Likhne Ka Riwaaj Hai Aur Ye Behtar Hai, Maulana Ahmad Raza Khan Saahib Rahmatullahi Ta'ala Alaih Apne Fatawa Jild Naham Mein Farmate Hain: Kaafir Ko Agar Taweez Diye Jaayein To Muzmir (A'adaad) Mein, Unhein Mazhar Ki Ijaazat Nahi, (Page 112)

(Dekhein : Fatawa Bahrul Uloom, Jild 6, Page 393-394, Shabbir Brothers Lahaur, Sanaa 1431 Hijri)

Saatwa Hawala Fatawa Europe Wa Bartaniya

Abjad Naqsha

Fatawa Europe Wa Bartaniya Mein Hai Ke Huroof Abjad Ke Aitbar Se Ye (786) Bismillah Shareef Ke A'adaad Hain Aur In Ko Bismillah Shareef Ki Jagah Likha Jaata Hai, Huroof Abjad Ka Table Maa A'adaad Darj Zel Hai,

; 7	9	<i>D</i> 5) 1	<u>ئ</u>	<u>ب</u>	1
/	6	5	4	3	2	1
\mathcal{O}	^	J	ک	ی	Ь	2
50	40	30	20	10	9	8
ش	J	ق	ص	ف	ع	٣
300	200	100	90	80	70	60
غ	B	ض	j	ż	ث	(i
1000	900	800	700	600	500	400

Inke Mutabiq "Bismillah" Ke Tamam A'adaad Ko Jama Karne Se Majmua 786 Aata Hai,

(Fatawa Europe Wa Bartaniya, Page 384, Sanaa 1439 Hijri)

Aathwa Hawala Fatawa Bahrul Uloom

Suwaal

- (1) 786 Aur 92 Likhne Ki Sharayi Haisiyyat Kya Hai?
- (2) Kya بسم الله الرحمن الرحيم Ki Jagah 786 Aur Muhammad بسم الله تَعَالَى عَلَيْهِ وَالِهِ وَسَلَّمَ Ki Jagah 92 Likhna Jaiz Hai? Agar Jaiz Hai To Is Ki Noiyyat Kya Hai? Is Ke A'adaad Kis Tarah Nikale Jayenge?
- (3) Baaz Logo Ka Kehna Hai Ke 786 Ke Dar Asl Ahle Hinood Ke Bhagwan Hare Krishna Ke Naam Ke A'adaad Hain, Is Ke Tamam Numbaro Ko Total Karne Se 786 Hota Hai, Lihaaza Likhna Ya Bolna Shirk Wa Bid'at Hai To Aise Shakhs Par Sharayi Hukm Kya Hai?

Note: In Suwaalat Ke Jawab Hattal Imkan Qur'an Wa Hadees Ki Raushni Mein Mudallal Wa Mufassal Tareeqe Se Tahreer Farmayein, Ain Nawazish Hogi,

Al Jawab:

Is Suwaal Ke Jawab Mein Bahrul Uloom,

Allama Mufti Abdul Manna Aazmi Rahamatullahi Ta'ala Alaih Likhte Hain :

Hadees Shareef Mein Hai:

Har Acche Kaam Ki Ibtida بسم الله الرحمن الرحيم Se Karni Chahiye :

كل امر ذى بأل لا يبدأ فيه ببسم الله فهو اقطع (Durrul Mansoor, 1/10)

Is Hadees Ki Imaam Ayini Rahmatullahi Ta'ala Alaih Ne Apni Sharah Bukhari Ki Ibtida Mein Tasreeh Farmayi Hai, Tahreeri Kaam Ki Ibtida Mein Is Ko Qalam Se Likhna Zaroori Nahi, Zuban Se Bhi Kah Diya Jaaye To Sunnat Ada Ho Jaayegi, Is Amr Ki Tasreeh Bukhari Ki Sharah Imaam Ayini Ne Ki, Aur Hazrat Maulana Abdur Rahman Rahmatullahi Ta'ala Alaih Ne Sharah Jaami Mein Farmayi Lekin Qalam Ahadul Lisanain Tahreeri Ki Ibtida Mein Afzal Ye Hoga Ke Dono Hi Tareeqo Se Is Mubarak Kalima Ko Ada Kiya Jaaye, Aur Tahreer Ki Soorat Mein Kisi Ek Rasmul Khat Ki Pabandi Nahi, Aadmi Kisi Bhi Rasmul Khat Mein Likh Sakta Hai, Ye Kahna Ke Sirf Arabi Rasmul Khat Hona Chahiye, Hindi Mein Likhna Bid'at Hai, Apni Jihaalat Ka Saboot Hai,

Adadi Tahreer Ka Naam Ramzi Rasmul Khat Hai, Jis Mein Taman Huroofe Tahajji Ke Kiye A'adaad Ka Istimal Hota Hai Jaise بسمالله الرحمن الرحيم Ki Ramzi Tahreer Ki Tafseel Is Tarah Hogi:

In A'adaad Ki بسمالله الرحمى الرحيم Ke Mufridaat Par Dalaalate Iltizami Hai, Dalalate Iltizami Ki Bhi Wo Qism Jis Mein Laazimo Malzoom Ke Tasawwur Se Jazam Bil Luzoom Hota Hai, In A'adaad Ko Isi Tarkeeb Se Likha Dekh Kar Ye Pata Chalega Ke Bismillah Shareef Ki Ramzi Tahreer Hai, Aur In A'adaad Ka Majmua Bismillah Shareef Ka Ijmaal Hai, To Ye Adadi Tahreer Bhi Ek Rasmul Khat Hi Hai, Aur Is Tahreer Mein Likhna Bhi Ibtida Bismillah Ke Uloom Mein Daakhil Hai To Is Ko Bid'ate Mamnoo'a Mein Dakhil Karna Niri Jihaalat Aur La Ilmi Hogi,

Mazkoora Baala Tafseel Se Zaahir Hua Ke Adadi Tahreer Ke Liye Waza'e Jadeed Aur Istilaho Muhawra Khas Ki Zaroorat Hoti Hai, Chunanche Ashaabe Ilm Takseere Nuqoos Ke Liye Aayaat Wa Asma -e- Ilaahi Ke A'adaad Nikal Kar Is Usool Par Taweezo Ki Khaana Poori Karte Hain, Aala Hazrat Faazile Bareilwy Fatawa Razawiyya, Jild Nahum, Page 112 Par Farmate Hain:

Kaafir Ko Agar Nuqoosh Diye Jaayein To Muzmar, Unhein Mazhar Ki Ijaazat Nahi,

Aur Tareekh Go Udaba Wa Shuara Bhi Inhi Khutoot Par Ashya Aur Hawaadis Ki Tareekh Bayan Karte Hain, Aur Ikhtisar Wa Ijmaal Ka Ye Tareeqa Khaas Taur Se Ahle Islam Mein Shaaye Wa Zaae'a Hai, Balki Khud Muaamlate Shar'a Mein Bhi Huroofe Tahajji Ke Zariye Ye Ijmaal Wa Ikhtisar Jaari Wa Saari Hai, Aam Taur Se Lafze "حوقل" Se حوقل" Ke Kehne Ki Taraf Ishara Hota Hai, Lafze "كوالولاقية Se المترجع" Kehne Ki Taraf Ishara Hota Hai Aur Lafze "استرجع" Kah Kar Ye Muraad Liya Jaata Hai Ke Main "المالية والمالية والم

Aur Hare Krishna Ka Muaamla Is Ke Bilkul Bar Aks Hai,

Awwalan : 786 Ke Adad Ko Hare Krishna Ke Liye Na Musalmano Me Waza'a Kiya Hai Na Hinduo Ne Balki Hindu To Ramz Wa Ijmaal Ki Is San'at Se Naa Balad Hain, Pas Bismillah Ke Liye 786 Ki Tarah Hare Krishna Ke Liye Na To Us Ki Jadeed Waza'a Hogi Na Istilahe Khaas Bani, Aur Jab 786 Lafz Hare Krishna Ke Liye Waza'a Hi Nahi Hua, To A'adaad Ke Is Ittfaqi Ittihad Wa Ishtiraak Ko Shirk Kahna Ilmo Dayanat Se Koso Door Hai,

Saaniyan: Ye Ittifaq Ittihad Bhi Sirf Ramz Wa Ijmaal Mein Hai, Murattaba Tafseel Mein In Dono Mein Se Koi Mutabiqat Nahi, Bismillah Shareef Ka Tafseeli Ramz Hum Upar Likh Aaye, Hare Krishna Ka Awwalan To Koi Ijmaali Muzmar Hai Na Tafseeli, Agar Ahle Takseer Ki Istilah Par Qiyaas Kar Ke Us Ki Ramzi Tafseel Nikali Jaaye To Is Tarah Hogi

To Bismillah Alakh Aur Hare Krishna Ke Ramz Ijmaali Go Muttafiq Ho Tafseeli Muzmar Mein Koi Mutabiqat Nahi, Bismillah Shareef Ka Ramzi Adad 2 Se Shuru Ho Kar Adad 40 Par Khatm Hota Hai Aur Hare Krishna 5 Se Shuru Ho Kar 1 Par Khatm Hota Hai, Hare Krishna Ke Mufridaat Kul 8 Hain Aur Bismillah Shareef Ke 19, Pas Jin Do Cheezon Ke Murattaba Tafseel Mein Ye Ikhtilafat Ho, Un Ke Ijmaalo Ko Hukm Mein Kis Tarah Muttafiq Aur Muttahid Qaraar Diya Ja Sakta Hai? Pas Use Bila Kisi Daleel Ke Shirk Qarar Dena Wahabiyyat Ki Beemari Hai, Ke

Saalisan: Tafseel Ke Is Tazaad Wa Ikhtilaf Ke Baad Ijmaal Ke Ittihad Ki Wajah Se Dono Ka Hukm Ek Nahi, Balki Har Ijmaal Ka Hukm Ek Nahi, Balki Har Ijmaal Ka Hukm Us Ki Haqeeqat Ke Izhaar Se Hoga, Dekhein! Peshab Aur Zafraan Ka Paani Dono Ka Rang Ek (Peela Hota Hai) Lekin Ek Rang Ko Tabni Aur Doosre Ko Zafraani, Ek Napak Ghaleez Badbudar Aur Muzir, Doosra Tayyib Wa Khushbudar Aur Jism Wa Rooh Ko Taqwiyat Dene Waala Hota Hai,

Aala Hazrat Faazile Bareilwy Rahmatullahi Ta'ala Alaih Ek Aise Hi Suwaal Ke Jawab Mein Farmate Hain:

Suwaal : Ek Raafzi Ne Kaha Aayate Kareema "انامن المجرمين منتقبون" (Sajda:22) Ke Adad 1202 Hain Aur Yahi Abu Bakar Umar Usman Ke Hain,

Jawab: Rawaafiz Laanahumullah Ki Banaye

Mazhab Aise Hi Awhaam Be Saro Pa Paadir Hawa Par Hai, Har Aayate Azaab Ke Adad Asma -e- Akhiyar Mutabiq Kar Sakte Hain, Aur Aayate Sawab Ke Asma -e- Kuffar Se, Jis Tarah Is Aayate Azaab Ke A'adaad Us Ne Khulafa -e-Rashideen Ke Asma Ke Mutabiq Bataye, Yahi Adad Mundarija Zel Asma Ke Hain:

Hazrate Ali Karramallahu Wajhahul Kareem Ke Teen Saahibzado Ke Naam Abu Bakar Wa Umar Wa Usman Hain, Rafziyo Ne Aayat Ko Idhar Phera, Koi Nasbi Idhar Pher Dega, Al Gharz Aise Ittifaqi Ittihade A'adaadi Se Ek Ko Doosre Par Mahmool Karna, Ya Ek Ka Hukm Doosre Par Lagana Saheeh Nahi,

Ab Sirf Ek Suwaal Ka Jawab Reh Gaya Hai, Aakhir Ahle Islam Ne Ijmaalo Ikhtisar Ka Ye Tareeqa Kyon Ikhtiyar Kiya

Suniye : Qur'an Ke Baare Mein Hukm Hai Ke "ولا يمسه إلا المطهرون" (Waaqiya:79)

"Is Ko Paak Log Hi Chhuyein"

Aur Ta'awwuz Ya Khutoot Waghaira Par Asl Aayato Asaa Likhne Se Ehtiram Baaqi Nahi Rahega, Paako Napaak Har Koi Chhuta Hai, Aur Bhali Aur Buri Jagah Wo Padta Hai, Is Ramzi Tahreer Se Tabarruk Wa Taseer Ka Faaida Haasil Ho Jaata Hai, Aur Aadmi Tauheen Aur Be Hurmati Se Bach Bhi Jaata Hai Ke Is Ke Baare Mein Mazhar Aur Muzmar Ka Hukm Alaihida Alaihida Hai, والله تعالى اعلى العالى الم

(Dekhein : Fatawa Bahrul Uloom, Jild 5, Page 351-354, Shabbir Brothers Lahaur, Sanaa 1431 Hijri)

Nauwan Hawala Fatawa Markaze Tarbiyat Ifta

Hare Krishna Ka Adad

Ye Kahna Ki 786 Bismillah Nahin Hare Krishna Ka Adad Hai, Sahi Hai Ya Nahi?

Masla: Kya Farmate Hai Muftiyane Deeno Millat Is Masle Me Ki Bismillah Ke A'adad 786 Hote Hain Ya Nahi, Zaid Ek Masjid Ka Imam Hai Iska Kahna Hai Ki Bismillah Shareef Ke A'adad 786 Hain Hi Nahi Albatta 'Hare Krishna' Ke Zarur Ye A'adad Hain Kya Ye Sahi Hai?

Al Jawab:

Beshak Bismillah Shareef Ke A'adad 786

Hote Hain, Zaid Imam Ka Ye Kahna Ki Bismillah Shareef Ke A'adad 786 Hain Hi Nahi Albatta Hare Krishna Ke Zarur Ye A'adad Hain Mahaz Ghalat Aur Uski Jahalat Hai Wo "Jamal" Ke Qaaide Se Bilkul Waqif Nahi Is Liye Ke Jamal Ka Hisab Arabi Huroof Ke Sath Khas Hai, Hindi, Sanskrit Me Na Ye Tareeqa Raaij Hai Na Un Ke Huroof Huroof -e- Tahajji Ke Mutaabiq Hain, Jamal Ke Hisab Me Jo Gintiyan Hain Wo 28 Hain Aur Arabi Ke Huroof Bhi 28 Hain Aur Sanskrit Ke Huroofe Tahajji 36 Hain Jis Mein Alif Sire Se Hai Hi Nahin, Alif Ko Sanskrit Mein Harf Nahi Mante "Maatra" Mante Hain Jabki Jamal Ke Hisab Se Pehla Harf Alif Hai Jis Ka Adad Ek Hai,

Neez Jamal Ke Bahut Se Huroof Sanskrit Mein Bilkul Nahi Hain Maslan

Aur Bahut Se Sanskrit Ke Huroofe Tahajji Jamal Ke Hisaab Mein Nahin, Maslan

Waghaira..., Agar Jamal Ke Hisab Sanskrit Waghaira Mein Hota To Un Ke Har Huroofe Tahajji Ka Koi Na Koi Adad Zaroor Hota, Hindi Sanskrit Ke Tamam Huroofe Tahajji Ka Adad Na Hona Aur Arabi Ke Har Harfe Tahajji Ka Adad Hona Is Baat Par Waazeh Daleel Hai Ke Jamal Ka Hisab Sirf Arabi Kalimat Aur Huroof Mein Muatabar Hai, Deegar Zubano Ke Kalimat Aur Huroof Mein Is Ka Aitbaar Nahi, Aur Is Liye Bhi 786 Hare Krishna Ka Adad Nahi Ke Is Mein Aitbar Usi Rasmul Khat Ka Hoga Jis Zuban Ka Wo Kalima Hai, Hare Krishna Sanskrit Zuban Ka Lafz Hai Aur Sanskrit Mein Ise Is Tarah Likhte Hain:

```
Hare Krishna
हरि कृष्णा
ह
Ko "," Maaniye
र
Ko "," Maaniye
ई
Ki Matra Ko "८" Maaniye
कृ
Ko ",اورر" Maaniye
```

Mein "ש" Ki Maatra Ko "الف" Maaniye, Bil

Tarteeb In Ke Adad Is Tarah Honge: 5, 200, 10, 20, 200 Aur 1 Kyonki "ч" Aur "ч" Ke Mumasil Abjad Mein Koi Harf Nahi Zabardasti "ч" Ko "ω" Aur ч Ko "ω" Maan Kar 786 Adad Nikalna Jamal Ke Hisab Se Bilkul Saheeh Nahi Na Us Lafz Urdu Ka Aur Na Urdu Rasmul Khat Ka Aitbaar Hoga Jis Zuban Ka Lafz Hai Usi Zuban Ke Rasmul Khat Ka Aitbar Laazim Wa Zaroori Hai, To Upar Kiye Gaye Hisab Ke Mutabiq "Hare Krishna" Ke Adad 786 Nahi Balki 436 Hain,

Aur Agar Is Ko Kisi Tarah Urdu Rasmul Khat Mein La Kar 786 Adad Maan Bhi Lein To Is Se Ye Kahan Laazim Aata Hai Ke Mahaz Is Wajah Se 786 Likhna Saheeh Na Rahe Is Mein Qat'an Kisi Sunni Saheehul Aqeeda Musalman Ki Niyyat Hargiz Ye Nahi Hoti Ke Ye Hare Krishna Ka Adad Hai Balki Log Ise الرحيم Ka Adad Samajh Kar Isi Ki Niyyat Se Likhte Hain Aur Jis Ki Jaisi Niyyat Hogi Us Ke Liye Waisa Hi Hukm Hoga, Hadees Shareef Mein Hai:

انماالاعمال بالنيات وانمالكل امرئي مانوى Yaani Aamal Ka Madaar Niyyato Par Hai Aur Har Shakhs Ke Liye Wo Hai Jo Us Ne Niyyat Ki,

(Bukhari, Jild 1, Page 2)

Katabahu

Muhammad Haroon Rasheed Qadri

Al Jawabe Saheeh : Muhammad Nizamuddin Razwi Barkati Al Jawabe Saheeh : Muhammad Abraar Ahmad Amjadi Barkati

(Dekhein: Fatawa Markaz Tarbiyat Ifta, Jild 2, Page 656, Faqeehe Millat Academy, Page 1436 Hijri)

Daswan Hawala Fatawa Bahrul Uloom

Suwal: Ek Tafseeli Sawal Kiya Gaya Jis Ka Khulasa Ye Hai Ki Kya 786 Ke Sath 92 Likha Ja Sakta Hai? Aur Kiya Aesa Karna Koi Firqa Parasti Hai?

Al Jawab: Bahrul Uloom, Allama Mufti Abdul Mannan A'azmi Rahmatullah Likhte Hain: 786 Ke Neeche 92 Likhne Ka Riwaj Zarur Hai (Is Ke Iftetah Ki Tareekh Batana Mushkil Hai Magar) Shar'an Koi Haraj Nahi, Jab Islam Ke Buniyadi Kalme Me Allah Ke Ism Mubarak Ke Sath Nabiye Kareem مَلَى اللهُ تَعَالَى عَلَيْهِ وَالِهِ وَسُلَّمَ Ka

Naam Mubarak Hai To Bismillah Shareef Ke Baad Isme Risalat Likhna Kyu Ghalat Hoga, Is Ko Firqa Parasti Se Ta'beer Karna Ya Is Wajah Se Ho Ki Wo Shakhs Khud Gumrah Ho Ki Us Ko Nam E Muhammad مَلَى اللهُ تَعَالَى عَلَيْهِ وَالِهِ وَسَلَّمَ Se Chid Hoti Hai Ya Wo Shakhs Ghafil Hai Aur Kisi Me Us Ko Warghala Diya Ho,

(Dekhiye: Fatawa Bahrul Uloom, Jidl1, Safah365, Shabbir Brothers Lahore, Taba 1431H)

Gyarahwa Hawala Tanveerul Fatawa

Suwal: Tanveerul Fatawa Me Sawal Ye Hai: Ulma E Deen Kya Farmate Hain Ki Bismillah Ke Bajaye 786 Likhna Kya Hinduon Ki Rasm Hai Ya Is Kya Likhna Jayez Hai?

Al Jawah

Surat E Masoola Me Bismillah Ke Bajaye Apni Tahreer Me 786 Likhna Jayez Hai Kyunki Ye Asl Me Allah Ta'ala Ke Asma E Mubaraka Ko Be Adabi Se Bachane Ke Liye Waza Kiya Gaya Hai, Mufti Muhammad Waqaruddin Razvu Likhte Hain: Ahadees Me Farmaya Jo Kam Bismillah Aur Alhamdulillah Se Shuru Na Kiya Jaye Wo Na Mukammal Rehta Hai Aur Khairo Barakat Se Khali Hota Hai Is Hadees Par Amal Karne Ke Liye Har Jayez Jam Ko Bismillah Padh Kar Shuru Karna Chahiye Un Ka Likhna Zaruri Nahi Hai Lekin Likhna Bhi Baaise Barakat Hai Chunki Aam Taur Par Kaghzat Ko Ehtiyat Se Nahi Rakha Jata To Us Par Bismillah Hone Ki Soorat Mein Us Ki Be Adabi Hai Is Liye Logon Ne A'adad Likhna Shuru Kar Diya, (Waqarul Fatawa, Jild 3, Safah 442)

Mufti Yusuf Ludhiyanwi Sahab (Deobandi) Likhte Hain:786 Bismillah Shareef Ke Adad Hain Buzurgon Se Is Ke Likhne Ka Ma'mool Chala Aa Raha Hai Ghaliban Is Ka Riwaj Is Liye Hua Ke Khutoot Aam Taur Par Phad Kar Phenk Diye Jate Hain Jis Se Bismillah Shareef Ki Be Adabi Hoti Hai Be Adabi Se Bachane Ke Liye Ghaliban Buzurgon Ne A'adad Likhna Shuru Kiye Is Ko Hinduon (Ghair Muslimon) Ki Taraf Mansoob Karna To Ghalat Hai Albatta Agar Be Adabi Ka Andesha Na Ho To Bismillah Shareef Likhna Hi Behtar Hai,

(Aap Ke Masail Aur Un Ka Hal, Safa348, Jild8)

Barahwa Hawala Ek Deobandi Mufti Ka Fatwa

Suwal:

Bahut Se Musalman Khat, Lifafa Ya Kaghaz Par Pehle 786/92 Likhte Hain, Is Ki Kya Wajah Hai? 786 Ka Kya Matlab Hota Hai? 92 Ka Matlab Kya Hota Hai?

Al Jawab:

Bismillah Mein Jo Arabi Huroof Hain Un Ke Abjad Ke Aetbar Se Kuchh Adad Mutayyan Kiye Gaye Hain, Maslan: Alif Ka Ek, Ba Ke Do, Jeem Ke Teem, Aur Dal Ke Char Wagaireh, Is Hisab Se Bismillah Ke Huroof Ke Adad Ki Kul Majumuyi Ta'adad 786 Hoti Hai,

Muhammad Ka Hisab Hasbe Zel Hai:

Meem Ke Chalees, Ha Ke Aath, Meem Ke Chalees, Aur Dal Ke Char Kul Jama 92 Huwa,

Ab Rahi Ye Bat Ki Kaghaz Ya Lifafe Par Puri Bismillah Likhi Jaye To Uske Yaha Waha Phenke Jane Aur Be Adabi Hone Ka Dar Hai, Is Liye Is Ke Adad Likh Diye Jate Hain,

Aur Baaz Log Huzoor مَلَى اللهُ تَعَالىٰ عَلَيْهِ وَالِهِ وَسَلَّمَ Se Muhabbat Ki Wajah Se Aap Ke Nam Ka Bhi

Adad Likh Dete Hain, Is Liye 92 Ka Adad Likha Jata Hai, Faqat

Wallahu Ta'ala A'lam

(Fatawa Deeniya, Mufti Ismail Kachhulwi Deobandi, Jild1, Safah273)

Terahwa Hawala Deobandi Mufti Ka Dusra Fatwa Suwal:-

786 Ke Niche 92 Likha Jaye To Kaisa Hai? Is Liye Ki Sat Sau Chhiyasi Bismillah Ka Adad Hai Aur 92 Huzoor عَلَى اللهُ تَعَالَى عَلَيْهِ وَاللهِ وَسَلَّمَ Ka Adad Hai, Mazkurah Tareeqe Par Quran Shareef Ki Ayaton Ko Likhne Se Pehle "786/92" Likha Jaaye To Shariyat Ki Roo Se Durust Hai Ya Nahi?

Al Jawab:-

Har Kaam Ki Ibtida Bismillah Se Honi Chahiye, Yahi Shariyat Ka Hukm Hai Chahe Zubani Padh Kar Shuru Karein Ya Likh Kar, Isi Wajah Se Kaghaz Par Allah Ka Naam Likh Kar Shuru Kiya Jata Hai,

Quran Shareef Me Jaha Suleman Alaihissalam Ka Khat Malika E Saba Bilqees Ko Likhne Ka Tazkirah Hai Usme Bhi Bismillah Hi Se Shuru Kiya Gaya Hai, Lekin Hamare Yaha Aese Khutoot Ki Be Adabi Hoti Hai Aur Adab Ko Malhooz Nahi Rakha Jata Hai, Is Liye 'Abjad' Ke Qaaide Ke Mutabiq Bismillah Ka Adad Yani 786 Likh Dete Hain Taki Bismillah Ke Zariye Likhe Jane Ka Suboot Ho Jaye, Lekin Huzoor مَنَّ اللهُ تَعَالَى عَلَيْهِ وَالِهِ وَسَلَّمَ Ke Nam Pak Ke Sath Ibtida Karne Ka Koi Suboot Nahi Hai, Is Liye "Muhammad" Nam Ka Adad 92 Likhne Ka Hukm Bhi Nahi Hai Balki Na Likhna Hi Behtar Hai,

(Fatawa Deeniya, Mufti Ismail Kachhulwi Deobandi, Jild5, Safa298)

Is Fatwe Me Deobandi Mufti Ka 786 Ke Sath 92 Likhne Ke Muta'alliq Ye Likhna Ke "Na Likhna Hi Behtar Hai" In Ke Dilon Ki Kharabi Ko Zahir Karta Hai, Ye Aesi Zahniyat Ke Log Hain Ke Apne Fayde Ke Liye Kisi Bhi Tarah Ka Izafa Kar Lete Hain Aur Iske Jawaz Me Daleel Par Daleel Pesh Karte Hain Lekin Jab Bat Nabi Kareem مَنَّ اللهُ تَعَالَى عَلَيْهِ وَاللهِ وَسَلَّمَ Ki Muhabbat Ki Ho Unki Ta'azeem Ke Ho To Inka Tarz Badal Jata Hai Aur Dalail Bhi Nahi Milte, Ab Dekha Jaye To Bismillah Ke A'adad Ke Sath

Isme Muhammad Ke A'adad Likhne Me Koi Masla Nahi Hai Balki Likh Dena Behtar Hai Magar Isme Deobandi Mufti Ne Likh Mara Ki Na Likhna Behtar Hai Kynki Iska Hukm Nahi Hai, Ye Aese Saikdo Kaam Karte Hain Aur Dusro Ko Bhi Da'wat Dete Hain Jinko Karne Ka Kahin Koi Sarahatan Hukm Nahi Milta Lekin Choonki Wo Apne Matlab Ka Kaam Hota Hai To Qabile Qubool Hai Aur Agar Baat In Muamlat Ki Aa Jaye To Behtari Kahin Aur Nazar Aane Lagti Hai, Allah Ta'ala Hamein In Ke Shar Se Mahfooz Rakhe

Chaudhavaan Hawala Daarul Ifta Devaband Ka Fatwa

Daarul Ifta Devband Ki Website Par Darj E Zail Fatwa Hai:

Fatwa: 802=691/BA

Sunnat Tareeqa Ye Hai Puri Bismillaah Likhi Jaaye, Lekin Kuch Maslihat Ke Peshe Nazar 786 Ka Adad Ko Bhi Likha Ja Sakata Hai,

والله تعالى اعلم

Daarul Ifta, Daarul Uloom Devband (Website Dekhein) Isi Tarah Devbandi Maktaba-E-Fikr Ke Kai Ulama Ne Ise Likhna Durust Qarar Diya Hai Aur Agar Aap Net Par Talash Karenge To Kai Webistes Par Aise Darjanon Fatawa Maujood Hain, Hum Inhi Par Iktifa'a Karte Hue Ab Khulase Ki Taraf Aate Hain

Khulasa

Ahle Sunnat Ke Nazdeek 786 Aur 92 Wagaireh Likhna Jaaiz Balki Ek Mustahsan Amal Hai Aur Is Ka Suboot Buzrugane Deen Ki Tehreeron Me Bhi Kasrat Se Milta Hai, Ahle Sunnat Me Kisi Ko Iske Likhne Par Aetraz Nahi Hai, Wahabiyon Mein Jo Deobandi Hai Wo Bhi Is Par Aetraz Nhi Karte Balki Unke Yaha Bhi Iska Likhna Jayez Wa Durust Hai Jaisa Ki Hamne Unhi Ki Kitabon Se Suboot Pesh Kiye, Ab Wahabiyat Ki Ek Shakh Hai Jise "Ghair Muqallid" Aur "Ahle Hadees" Ke Nam Se Jana Jata Hai, Ye Is Par Beja Ke Aetrazat Karte Hain, Ye Log Is Tarah Se A'adad Likhne Ko Na Sirf Bid'at Batate Hai Balik Iss Hinduon Ki Taraf Mansoob Karte Hain Aur 786 Ko Hare Krishna Ke A'adad Batate Hain Jis Ka Mukammal Radd Is Risale Me Dekha Ja Sakta Hai, Is Ke Alawa

Bhi Jo Aetrazat Kiye Jate Hain Unka Jawab Ham Yaha Naql Kar Chuke Hain Jis Se Wazeh Ho Jata Hai Ki Is Tarah Se A'adad Likhna Bila Shuba Jayez Hai Aur Ise Hinduo Ki Taraf Mansoob Karna Shiddat Pasandi Hai

Allah Ta'ala Humein Aise Shareer Logon Se Mahfooz Rakhe Jinhone Deen Mein Apni Aara Ko Dakhil Kiya Aur Musalmano Ke Nazdeek Jo Kaam Achha Hai Use Zabardasti Shirko Bid'at Ki Taraf Le Jaane Wali Napak Sa'ii Ki,

Rabbe Kareem Is Risale Ko Apni Bargah Me Darja -e- Maqbooliyat Ata Farmaye

Abde Mustafa

Our Books In Roman Urdu:

- (1) Bahaar -e- Tehreer Abde Mustafa Official
- (2) Allah Ta'ala Ko Uparwala Ya Allah Miyan Kehna Kaisa?
- Abde Mustafa Muhammad Sabir Qadri
- (3) Azaan -e- Bilal Aur Suraj Ka Nikalna
- Abde Mustafa Muhammad Sabir Qadri
- (4) Ishqe Majazi (Muntakhab Mazameen Ka Majmua)
- Abde Mustafa Official
- (5) Gaana Bajana Band Karo, Tum Musalman Ho!
- Abde Mustafa Muhammad Sabir Qadri
- (6) Shabe Meraj Ghause Paak
- Abde Mustafa Muhammad Sabir Oadri
- (7) Shabe Meraj Nalain Arsh Par
- Abde Mustafa Muhammad Sabir Qadri
- (8) Hazrate Owais Qarni Ka Ek Waqiya
- Abde Mustafa Muhammad Sabir Qadri
- (9) Dr. Tahir Aur Wagar -e- Millat
- Abde Mustafa Muhammad Sabir Qadri
- (10) Taqreer Karne Waala Kaisa Ho?
- Abde Mustafa Muhammad Sabir Qadri
- (11) Ghaire Sahaba Mein Radiallaho Ta'ala Anho Ka Istemal
- Abde Mustafa Muhammad Sabir Qadri
- (12) Ikhtelaf Ikhtelaf Ikhtelaf
- Abde Mustafa Muhammad Sabir Qadri
- (13) Chand Waqiyaat -e- Karbala Ka Tehqeeqi Jaayeza
- Abde Mustafa Muhammad Sabir Qadri
- (14) Binte Hawwa (Ek Sanjida Tehreer)
- Kanize Akhtar
- (15) Sex Knowledge (Islam Mein Sohbat Ke Aadab)
- Abde Mustafa Muhammad Sabir Qadri
- (16) Hazrate Ayyoob Alaihissalam Ke Waqiye Par Tehqeeq
- Abde Mustafa Muhammad Sabir Qadri
- (17) Aurat Ka Janaza Janabe Ghazal Sahiba

- (18) Ek Aashiq Ki Kahani Allama Ibne Jauzi Ki Zubaani
- Abde Mustafa Muhammad Sabir Qadri
- (19) Huzoor Ki Shaan In The Quraan
- Mufti Ahmad Yaar Khan Nayeemi
- (20) Husne Mustafa Aur Kalame Raza
- Maulana Sajjad Ali Faizi
- (21) Afzaliyate Siddique -e- Akbar Wa Farooqe Aazam
- Tajushshariah, Mufti Akhtar Raza Khan
- (22) Kya Hazrate Bilal Radiallaho Ta'ala Anho Ka Rang Kaala Tha? Abde Mustafa Muhammad Sabir Qadri
- (23) Hazrate Bilal Ke Islam Laane Ka Waqiya Kya Tha?
- Abde Mustafa Muhammad Sabir Qadri
- (24) Sharah Mishkaat (Kitabul Iman)
- Mufti Ahmad Yaar Khan Nayeemi
- (25) Chand Ghair Motabar Kitabein Maulana Hasan Noori
- (26) Tirmizi (Part 1) Muhammad Bin Eisa Tirmizi
- (27) Aaiye Namaz Seekhein (Part 1)
- Abde Mustafa Muhammad Sabir Qadri
- (28) Sharah Mishkaat (Kitabul Ilm)
- Mufti Ahmad Yaar Khan Nayeemi
- (29) Sahih Bukhari Aur Ilme Ghaib
- Allama Muhammad Abdul Qadir
- (30) Difa -e- Kanzul Iman
- Tajushshariah, Mufti Akhtar Raza Khan
- (31) Pehle Farz Nafl Baad Mein
- Aala Hazrat, Imam Ahmad Raza Khan Barelvi
- (32) Qiyamat Ke Din Logon Ko Kis Ke Naam Ke Saath Pukara Jayega - Abde Mustafa Muhammad Sabir Qadri
- (33) Yaare Ghaar Dr. Asif Ashraf Jalali
- (34) Tie Ka Mas'ala Huzoor Tajushshariah
- (35) Sawaneh Tajushshariah Mufti Dr. Yunus Raza
- (36) Huzoor Tajushshariah Aur Bukhari Shareef Ki Pehli Hadees Ka Dars - Maulana Muhammad Raza Markazi

- (37) Huzoor Tajushshariah Ke Kalaam Mein Muhawraat Ka Istemal - Muhammad Kashif Raza Shaad Misbahi
- (38) Hussamul Haramain Aala Hazrat Imam Ahmad Raza Khan Barelvi
- (39) Haque Par Kaun? Allama Muhammad Zafar Attari
- (40) Shirk Kya Hai? Allama Muhammad Ahmad Misbahi
- (41) Qurbani Ka Bayaan From Bahaar -e- Shariat
- Allama Mufti Amjad Ali Aazmi
- (42) Zibah Ka Bayaan From Bahaar -e- Shariat
- Allama Mufti Amjad Ali Aazmi
- (43) Eisaiyat Se Islam Tak
- Allama Ghulam Rasool Oasmi
- (44) Zambik Ka Maana Aur Masla -e- Durood
- Allama Syed Ahmad Sayeed Kaazmi
- (45) Islami Taleem (Part 1)
- Allama Mufti Jalaluddin Ahmad Amjadi
- (46) Muharram Mein Kya Jaiz Aur Kya Najaiz?
- Allama Tatheer Ahmad Razvi
- (47) Muharram Mein Nikah
- Abde Mustafa Official
- (48) Islami Zindagi
- Mufti Ahmad Yaar Khan Nayeemi
- (49) Riwayato Ki Tehqeeq (Part 1)
- Abde Mustafa Muhammad Sabir Qadri
- (50) Riwayato Ki Tehqeeq (Part 2)
- Abde Mustafa Muhammad Sabir Qadri
- (51) Sharahe Kalaame Raza
- Al Hafiz Al Qaari Maulana Ghulam Hasan Qadri
- (52) Imamul Ayimma Abu Bakr Siddique
- Allama Ghulam Rasool Qasmi
- (53) Aulia -e- Rijalul Hadees
- Allama Abdul Mustafa Aazmi
- (54) Tamheede Imaan Aala Hazrat, Imam Ahmad Raza Khan

- (55) Sharah Qasida -e- Meraj
- Al Hafiz Al Qaari Maulana Ghulam Hasan Qadri
- (56) Imam Mahdi (Zamana -e- Zuhoor Aur Alamaat)
- Imam Ibne Hajar Haytmi Shafayi
- (57) Break Up Ke Baad Kya Karein?
- Abde Mustafa Muhammad Sabir Qadri
- (58) Ek Nikah Aisa Bhi
- Abde Mustafa Muhammad Sabir Qadri
- (59) Ali Wa Muawiya Allama Ghulam Rasool Qasmi
- (60) Kafir Se Sood Abde Mustafa Muhammad Sabir Qadri
- (61) Main Khan Tu Ansari
- Abde Mustafa Muhammad Sabir Qadri
- (62) Riwayato Ki Tehqeeq (Part 3)
- Abde Mustafa O Muhammad Sabir Oadri fficial
- (63) Jurmana Abde Mustafa Muhammad Sabir Qadri
- (64) La Ilaha Illallah, Chishti Rasoolullah?
- Abde Mustafa Muhammad Sabir Qadri
- (65) Hazrate Ali Ki Wiladat Kahan Hui?
- Allama Qari Luqman Shahid
- (66) Sarkar Ka Hulya Mubarak Ba Riwayate Umme Mabad
- Abde Mustafa Muhammad Sabir Qadri
- (67) Qanoon -e- Shariat Allama Qazi Shamsuddin Ahmad
- (68) Saniha -e- Karbala Allama Ghulam Rasool Qasmi
- (69) Shirk Ki Haqeeqat Allama Asif Abdullah Qadri
- (70) Be Peer Ka Peer Shaitan Hai
- Aala Hazrat, Imam Ahmad Raza Khan Barelvi
- (71) Islami Aqaid Allama Mufti Faiz Ahmad Owaisi
- (72) Zarbe Haidari Allama Ghulam Rasool Qasmi
- (73) Saltanat -e- Mustafa
- Allama Mufti Ahmad Yaar Khan Nayeemi
- (74) Badmazhabo Se Rishte
- Allama Mufti Jalaluddin Ahmad Amjadi
- (75) Main Nahin Jaanta Maulana Hasan Noori Gondavi

- (76) Safarnaama Bilaade Khamsa
- Abde Mustafa Muhammad Sabir Qadri
- (77) Mansoor Hallaj Abde Mustafa Muhammad Sabir Qadri
- (78) Tehqeeqe Imamat
- Imame Ahle Sunnat, Aala Hazrat Rahimahullahu Ta'ala
- (79) Gustakhe Nabi Kafir Hai Imame Ahle Sunnat, Aala Hazrat
- (80) Gustakhe Nabi Ke Qatl Ki Hadees Par Tehqeeq
- Zubair Jamalvi
- (81) Seerate Mustafa
- Allama Abdul Mustafa Aazmi Rahimahumullahu Ta'ala
- (82) Tablighi Jama'at Ka Fareb
- Allama Sayyid Shah Turabul Haque Qadri
- (83) Sunni Kaun? Wahabi Kaun?
- Abde Mustafa Muhammad Sabir Oadri
- (84) Farzi Qabrein Abde Mustafa Muhammad Sabir Qadri
- (85) Imam Abu Yusuf Ka Difaa
- Imame Ahle Sunnat, Aala Hazrat Rahimahullahu Ta'ala
- (86) Hindustan Daarul Harab Ya Daarul Islam?
- Abde Mustafa Muhammad Sabir Qadri
- (87) Raza Ya Riza? Abde Mustafa Muhammad Sabir Qadri







ABDE MUSTAFA OFFICIAL







Blogging: We have a collection of Islamic articles on various topics. You can read hundreds of articles in multiple languages on our blog.

amo.news/blog

Sabiya Virtual Publication

This is our core department. We are publishing Islamic books in multiple languages. Have a look on our library amo.news/books

E Nikah Matrimonial Service

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for vou.

www.enikah.in

E Nikah Again Service

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

Roman Books

Roman Books is our department for publishing Islamic literature in Roman Urdu Script which is very common on Social Media.

read more about us on amo.news

For futher inquiry: info@abdemustafa.com

enikah

SCAN HERE



BANK DETAILS Account Details: **Airtel Payments Bank**

Account No.: 9102520764

(Sabir Ansari)

IFSC Code: AIRP0000001



or open this link amo.news/donate









Abde Mustafa Official is a team from Ahle Sunnat Wa Jama'at working since 2014 on the Aim to propagate Quraan and Sunnah through electronic and print media. We're working in various departments.

Blogging: We have a collection of Islamic articles on various topics. You can read hundreds of articles in multiple languages on our blog.

blog.abdemustafa.com

Sabiya Virtual Publication

This is our core department. We are publishing Islamic books in multiple languages. Have a look on our library **books.abdemustafa.com**

E Nikah Matrimonial Service

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for you.www.enikah.in

E Nikah Again Service

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

Roman Books

Roman Books is our department for publishing Islamic literature in Roman Urdu Script which is very common on Social Media.

 $read\,more\,about\,us\,on\,\textbf{www.abdemustafa.com}$

For futher inquiry: info@abdemustafa.com

M









